DISCOVRS

DES RAISONS ET

Moyens, Pour Lesquels Messieurs du Clergé, assemblez en la ville de Chartres, ont declaré les Bulles Monitoriales, decernees par Gregoire XIIII. contre les Ecclesiastiques & autres, tant de la Noblesse que du tiers Estat, qui sont demeurez en la sidelité du Roy, nulles & iniustes.



A TOVRS,

Chez I AMET METTAYER, Imprimeur ordinaire du Roy.

M. D. XCI.





Digitized by the Internet Archive in 2010 with funding from University of Toronto

DISCOVRS

DES RAISONS ET

Messieurs du Clergé, assemblez en la ville de Chartres, ont declaré les Bulles Monitoriales, decernees par Gregoire XIIII. contre les Ecclesiastiques & autres, tant de la Noblesse que du tiers Estat, qui sont demeurez en la sidelité du Roy, nulles & iniustes.





A TOVRS,

Chez IAMET METTAYER, Imprimeur ordinaire du Roy.

M. D. XCI.

DISCOVRS DES RAISONS & moyens, pour lesquels Messieurs du Clergé assemblez en la ville de Chartres, ont declaré les Bulles Monitoriales decernees par Gregoire XIIII. cotre les Ecclesiastiques & autres, tant de la Noblesse, que du tiers Estat, qui sont demeurez, en la sidelité du Roy, nulles & iniustes.

Oulant deduire sommairement, les principaux moyens & raisons, que i'ay apris auoir meu Messieurs du Clergé, assemblez n'agueres en la ville de Chartres, à declarer les Bulles decernees par Gregoire XIIII tant contre les Prelats & autres Ecclesiastiques, que contre les Princes, Gentils-hommes, & autres du tiers Estat, qui ne voudroient se departir de l'obeissance de nostre Roy Henry IIII à present regnant, nulles, iniustes & suggerees par les ennemis de cest Estat. Ie ne doute point que ie ne sois

A ij

calomnié, non seulement par les rebelles & ennemis publics: desquels ie ne me foucie aucunemet, mais aussi par aucuns de ceux, qui faisans demonstration & apparence, d'estre demeurez en la fidelité qu'ils doiuet à leur Prince naturel, nourrissent & preparent secrettement en leur cœur, la diuision contre leur Prince & l'Estat. Et peut estre aucuns de mesdits Sieurs du Clergé, trouueront mauuais que l'aye entrepris de dinulguer les raisons qu'ils ont voulu tenirsecrettes, & margüeront comme ayant esté mal instruict, d'y auoir, peut estre, adiousté, & parauenture diminué. Et apres cela me tiendront pour temeraire, d'auoir mis en auat ce que le téps deuoit meurir & produire:Mais le zele que ie porte au public, au bié de cest Estat & Corone, au seruice du Roy, au contentement de tous les ges de bien,m'ont fait reduire par escript ce qui m'a semble ne deuoir estre celé ny retardé, quoy que le iugement des plus sages l'ait autrement estimé. Mais comme les opinions des hommes sont differentes,& les vns se hastent de recueillir l'vtilité & contentement des choses presentes: les autres pour les differer esperans mieux, en perdent quelquesois le fruict, ie laisseray le iugemet de ces deux partiz aux lecteurs de cet escript, pour estre des vns loué en ce mien zele, à la charge d'estre blasmé des autres, & en souffrir le blasme à l'occasion d'vn si bon œuure.

Or pour entrer en matiere, il faut presupposer que Gregoire XIIII. induit & persuadé par les seruiteurs & partisans du Roy d'Espagne, par les brigues & factiós duquel il a esté esleu Pape, a enuoyé Marfilius Landrianus son Nunce en France, vers les ennemis rebelles & cospirateurs cotre cet Estat, pour y publier deux Bulles en forme de suspension, excommunication & monition: l'vne contre les Euefques & autres Ecclesiastiques: l'autre cotre la noblesse & tiers Estat de ce Royaume, qui adhereroient à Henry IIII. à present regnant,& qui le recognoistroiét pour Roy: presupposant que par autre Bulle donnee en l'an 1585, par le feu Pape Sixte V. il auroit esté declaré excommunié, heretique & relaps, & comme tel

A iij

auroit esté priué, tant du Royaume de Nauarre, que de tous autres qui luy pourroient escheoir par cy apres. Puis donc que ces deux Bulles dernieres se referent à celle de Sixte V. il me semble n'estre hors de propos, de discourir par mesme moyen, des nullitez de toutes lesdites Bulles.

Pour iuger de toutes actions, si elles sont bonnes ou mauuaises, il faut les considerer, ou des personnes qui les sont, ou de ceux à l'occasion desquels elles sont faires, ou bien par elles en soy. Or si nous voulons esplucher par ordre ces trois poincts, nous trouverons que toutes ces Bulles sont pleines de nullitez & d'iniussice.

Pour le regard de ceux qui les ont decernees, il est certain qu'ils ne l'ont peu faire, soit qu'on considere leurs personnes particulieres, soit leur dignité Papalle. Car quant à leurs personnes, ie ne m'amuseray point à ce qu'on a voulu reuoquer en doute leurs qualitez de Papes, ayans volontairement quitté le tiltre de peres communs enuers la France, ny à ce 7

que les autres disent qu'ils sont indignes de ceste belle qualité, pour leur notoire heresie condamnee par le Concile de Constance, ayans voulu exciter, voire contraindre les subiets à se rebeller contre leur Roy, mesmes le seu Pape Sixte, qui s'est rendu fauteur des subiets rebelles, à l'encontre du feu Roy, Prince trefcatholique: mais seulemet ie diray qu'ils n'ont peu estre iuges de nostre Roy & de nous, pour s'estre renduz partiaux & adheras des ennemis de cet Estat, pour s'estre vniz, alliez & liguez auec ceux de la maison d'Espagne, de Sauoye & de Lorraine, auoir ietté leurs malheureuses excommunications, & intention de priuer noz Princes legitimes de leur Royaume, pour le liurer aux tyrans vsurpateurs. Et de fait l'vn d'eux, lors que la plus grande partie du peuple de France s'estoit reuoltee & rebellee contre le feu Roy, au lieu d'estaindre le feu qui embrasoit & confommoit tout ce pauure Royaume, il l'alluma dauantage par l'iniuste excommunication, qu'il decerna à l'encontre de luy;encourageant par ce moyen, vn mal-

heureux & detestable moyne, à ietter ses mains parricides sur l'oinct du Seigneur: & tant s'en faut que depuis il ait trouué mauuais ce mechant assassinat, que au contraire il s'en est resiouy, l'a loué & approuué, s'est vanté l'auoir predict à deux Cardinaux, & à l'Ambassadeur de France: Et pour le regard de l'autre, il est tout notoire qu'il a esté crée Pape, par les brigues & factions du Roy d'Espagne, de ses adherans & partiaux, aux charges & coditios qu'il s'emploiroit de tout son pouuoir, comme il a faict & faict encores, tant par secours d'argent, que par armes spirituelles & temporelles à la ruine de nostre Roy, des Princes de son sang, & de tous les bons & fidelles Fraçois: tellemét qu'on pourroit inferer par la dispositio du droict cano, qu'il seroit loisible, no seulement aux Cardinaux & autres Ecclesiastiques craignans Dieu, mais aussi aux laiz de l'anathematiser comme inuaseur, & auec forces humaines le chasser du sainct siege Apostolique, y ayant esté intronisé, non par les voyes canoniques, mais par grace humaine, brigues & factions

c.Si quis pecunia 79.distinct. factions tumultuaires.

S'estans donc lesdits Papes monstrez ainsi mal affectionnez à noz Roys & à ce Royaume, fauteurs de leurs subiets rebelles, ausquels ils ont enuoyé des Legats & des Nunces, contre le gré & volonté du Roy, pour les desbaucher de son obeissance, & lesquels ils ont aidé de conseil, de faueur, d'argent & de forces, & s'estans declarez partiaux du Roy d'Espagne, & adherans à l'iniuste vsurpation qu'il pretend faire de cest Estat, il est certain que leurs censures, monitions & excommunications, ne sont iugemens libres, ains attachez par contracts à la necessité: & pouuons dire de tout ce qui est venu & viendra par cy apres de Rome, Vox Efau, manus autem lacob, elles viennent en apparence de Rome, mais en effect d'Espagne, de Sauoye & de Lorraine.

Cessant tout ce que dessus, & presuppofant que ces Bulles soient venües de la franche volonté des Papes Sixte & Gregoire, sans aucune contrainte ny passion vicieuse, & qu'ils soient autant dignes de la Chaire de sainct Pierre, que Papes qui ayent esté depuis douze voire quinze cens ans, ie dy neantmoins qu'ils n'ont le pouvoir, & ne leur appartient d'excommunier ceux qui ne sont de leur diocese. C'est l'ordre & police vniuerselle de l'Eglise, en laquelle les dioceses ayans esté divisez par les Apostres, & leurs successeurs, l'ordre, l'œconomie, & les loix Ecclesiastiques portent, que chacun fasse sa charge en son diocese, sans que les vns puissent eniamber sur les autres.

Iesçay bien qu'à cela, ceux de Rome respondét que le Pape est l'Euesque vniuersel de la Chrestienté, & que les autres sont seulement appellez, In partem sollicitudinis, & non in plenitudinem potestatis: Mais ces maximes ont tousiours esté tenües saulces & tyranniques, & comme telles de tout temps reprouuees, mesmement en France. Ie laisse à part ce qui en est dict, tant par sainct Irenee que par S. Cyprian, & autres plus anciens docteurs & martyrs de l'Eglise, mesmement par aucuns Papes, & entre autres par sainct Gregoire premier, qui appelle precur-

seur de l'Antechrist tout Euesque, voire celuy de Rome, qui se qualifiera Euesque vniuersel. Ie laisse aussi à part la constitution du Concile troissesme d'Afrique, qui deffend d'appeller l'Euesque du premier siege, Prince des Prestres ou souuerain Prestre, laquelle constitution est inseree au grand decret, où pour l'interpreta- e.Prime tion d'icelle, est nomement adjousté par sedis 99. Gratia, que l'Euesque de Rome mesmes, ne doit estre appellé vniuersel. Et noz Theologiens ont condamné ceste pleine puissance des Papes, appellans plenam potestatem, plenam tempestate, & verbum diabolicum, ayas aussi tenu qu'ils ont puissance de lier & deslier, Claue non errante. Ieme tiens à ce que l'Eglise Gallicane a de tout temps soustenu pede fixo, s'estat aduancee insques là, que lors de la plus grande pureté de l'Eglise, elle n'enduroit que les Papes se messasent de l'ordinatio des Euesques, collations des benefices tant grands que petits, consecration des autels, iugement des causes Ecclesiastiques, & autres choses qui sont du deuoir des ordinaires, dont nous tenons encores

plusieurs beaux vestiges, mesmement en ce que nous ne receuons les Legats venans de Rome, finon apres que le Roy leur a permis entrer en France, & y receuoir leurs facultez, qui doiuet estre prealablement verifiees en Parlement. Mais ce qui approche encores de plus pres au poinct dont il s'agist à present, c'est que par le decret de causis, en la pragmatique & au concordat, les constitutions de l'Eglise Gallicane, ne permettent point au Pape, de cognoistre en première instance des causes Ecclesiastiques d'entre les François, ny icelles euoquer, ains doiuet estre iugees par les ordinaires en premiere instance, & apres que par appel elles ont cheminé de degré en degré jusques au sainct siege, les Papes n'ont pouuoir de les iuger à Rome, ny commettre le iugement d'icelles à estrangers, ains doiuent nommer des iuges regnicoles sur les lieux, pour les terminer en dernier ressort soubs leur nom : dont s'ensuit que les excommunications desquelles il s'agist, n'ont peu estre decernees à Rome, mesmes celle qui a esté decernee contre

le Roy à present regnant, ains appartenoit ou à son Euesque Diocesain, c'est à dire à celuy de son domicile, d'en recognoistre en premiere instance: comme fit sainct Ambroise Euesque de Milan, contre l'Empereur Theodose, qu'il excommunia (non toutefois à la façon de ces nouuelles excommunications) fans que le Pape qui estoit lors s'en meslast aucunement; ou en tout cas, s'il y auoit de la negligence ou timidité desdits diocesains, qui les auroit empesche de faire leur deuoir, & que le Pape à cause de ce, fut fondé à suppleer leur negligence, comme pere & surueillant sur tous les autres Euesques, il auroit peu & deu, audit cas, venir en France luy mesme, ou à tout le moins enuoyer ses Legats pour les exciter, vnir & assembler, & non pas enuoyer ladite excommunicatió de Rome, comme par lettre de change. Ce qui se voit auoir esté quasi tousiours obserué parcydeuat toutes & quantes fois que les Papes ont voulu excommunier les Roys & autres Princes. Pour exemple, quand Gregoire quatriesme voulut entreprendre d'excommunier Loys Debonnaire, il se presenta insques au pays de Mets, resolu d'entrer en France, si les Eucsques ne l'en eussent empesché. Quand Nicolas premier voulut excommunier Lothaire Roy de Lorraine, il enuoya son Legat. Quand Vrbain deuxiesme excommunia Philippes premier, à cause de sa concubine, il sit faire par son Legat vn synode particulier,& le confirma en personne au Concile general de Clermont.Quand le Pape Innocent voulut excommunier Philippes Auguste, à cause de sa deuxiesme femme, il enuoya son Legat en France,ce qu'il fit de rechef quand il le voulut excommunier pour les guerres d'Angleterre. Quand Alexandre troisiesme voulut excommunier Remond Comte de Tholose, il le sit faire par vn sien Legat au Concile de Palmiers. Qui sont en effect les principales excommunications, lesquelles se lisent auoir esté attentees contre les Roys & Princes de France, excepté celle encores de Lothaire, pour le mariage de Gueldrade, qui se lit auoir esté decernee à Rome: mais c'e-

stoit en vertu d'vn arbitrage, & compromis, faict sur l'appel d'vne sentence de plusieurs Eucsques, qui auoient jugé la cause en premiere instance: & pour ce qu'il y auoit d'autres Euesques qui n'en estoient d'accord, Lothaire & lesdits Euesques compromirent au Pape. Quant à ce qui se lit de Boniface huictiesme cotre Philippes le Bel, ce ne fut qu'vne citation & denonciation simple, & neantmoins elle ne doit nullement estre mise en compte, ayat esté condamnée par toute la France: Comme aussi celle de Iulles deuxiesme cotre Loys douziesme, & Iea Roy de Nauarre: & pareillement celles qui furent attentees contre les Roys Charles V. VI. & VII.

Tout cela soit dit, quant aux personnes des Papes qui ont decerné les Bulles: Mais quant à ceux contre lesquels elles ont esté decernees, c'est chose certaine que la qualité des Roys est telle, qu'elle rend l'excommunication decernee contre eux, nulle. Et pourroit on soustenir, que la puissance du glaiue spirituel, qui a esté donnee à sainct Pierre, aux Apostres,

& à leurs successeurs, ne se doit estendre que sur les personnes priuces, & non sur les Roys & Princes fouuerains: les cœurs desquels sont en la main de Dieu, qui nous les baille tels qu'il luy plaist : qui appelle les Roys Apostats, & fait regner l'hypocrite pour les pechez du peuple. C'est pourquoy l'escriture sainte nous enseigne qu'il seur faut obeir tels qu'ils soient, non seulement pour la crainte & necessité, mais pour nostre conscience. Et sainct Paul dit que quiconque resiste au Prince souverain, resiste à ce qui a esté ordonné de Dieu: & en ce faisant, s'acquiert damnation eternelle. Ce qui est si auant veritable & necessaire pour nostre salut, que nostre sauueur de qui toutes les actions nous sont autant de leçons & preceptes, pour nous conuier par son exemple à l'obeissance de noz Roys, & nous monstrer que quels qu'ils soient, nous ne leur deuons resister, a voulu luy mesme naistre & viure soubs des Princes infideles, voire tyrans, & monstres du genre humain, y a faict viure ses Apo-Îtres,& tout ce qu'aux premiers 3 14. ans s'est

s'est trouué de plus net en l'Eglise : lesquels tyrans & monstres infideles, lesdits Apostres & leurs successeurs ont honoré, leur ont payé tributs, encores que du temps de Tertullien, ils fussent si forts & en si grand nombre, que s'ils eussent voulu, il leur eust esté facile de les chasser & exterminer. Ce que tant s'en faut qu'ils ayent faict, qu'au contraire ils ont prié pour eux, ont esté à la guerre soubs eux contre leurs ennemis, & ont presché aux autres leur obeissance. Ce qu'ont saict presque 400. ans, depuis insques en l'an 700 la plus part des Chrestiens, voire les Papes, soubs plusieurs Empereurs Arries & Vtichiens: & apres eux, soubs les Roys Ostrogots aussi Arriens, dominas en Italie & mesmes à Rome : & apres les Roys Ostrogots, soubs les Roys Lombards, aufsi pour la plus part Arriens. Et quant aux autres nations Chrestiennes , comme l'Hespagne & la plus part des Gaules, ils ont longuement vescu soubs des Roys Vvisgots, aussi Arriens: ausquels Empereurs Roys & Princes heretiques, tous les Papes & autres Prelats Chresties & Ca-

C

tholiques, pour la plus part tressaincis personnages, n'ont oncques entrepris de desobeir, ains leur ont porté & faict porter tout honneur, devoir, subjection & obeissance, tant s'en faut qu'ils ayent iamais entrepris de les excommunier & interdire, soubs ombre d'heresse ou autre pretexte quelconque. Nous lisons que Ican premier tref-sainct Pape, fut enuoyé par Theodoric vers l'Empereur Iustin, pour faire restituer les Euesques Arriens en leurs sieges: & Agapet Pape, sut enuoyé par Theodoric vers Iustinian, pour excuser le meurtre d'Amalasiunte. Estant donc ceste maxime veritable, que tous subiets par l'ordonnance de Dieu, sont tenuz seruir & obeir à leurs Princes quels qu'ils soient, pour la necessité de leur salut, il s'ensuit qu'ils ne doiuent estre par le moyen de l'excommunication, priuez de l'obeissance & subiection à eux deile par leurs subiets. Et si quelques fois on a veu en la primitiue Eglise, que les Prelats & pasteurs ayent aucunemet vsé du glaiue spirituel à l'encontre de leurs Princes souuerains, à tout le moins ç'a esté auec

tant de modestie & charité, qu'ils ne les ont voulu perdre, mais par quelque douce correction, les ont faict recognoistre leur peché, comme nous lisons de sainct Ambroise, lequel excommunia Theodose, de la mineure excommunication, sans le priuer, ny de la communió des fideles, ny de l'obeissance de ses subiets, mais seulement pour vn temps, de l'entrée de l'Eglise, insques à ce qu'il eust faict penitence de son peché. Mais de vouloir vser extraordinairement de ceste puissance, qui a esté donnee à faince Pierre & à ses successeurs, pour priner les Roys de leurs Royaumes, c'est chose directement contraire à la parole de Dieu,& à l'vsage ancien de l'Eglise. Et de faict il ne se trouve point qu'auant l'annee 1080.ou enuiron les Papes ayent ietté aucune excommunication, portant interdiction contre les Roys & autres Princes souuerains, si ce n'est qu'on vueille compter pour la premiere, celle que s'efforça ietter Gregoire troisiesme, contre l'Empereur Leon Iconomaque en l'année 75 9. pour la querelle des Images, combien que Gregoire

C ij

deuxiesme son predecesseur, eust empesché que pour mesme cause ses subiers d'Italie ne se revoltassent & esleussent vn autre Empereur en sa place, ainsi que recite Platine. Mais ceste pretendüe excommunication ne doit estre pour rien compree, parce qu'elle n'eust aucun effect: & les Grecs & autres Orientaux subiets dudit Empereur Leon, n'y eurent efgard non plus qu'à vne chanson: d'autant que l'Eglise Grecque estant dés long temps separce de la Romaine, les foudres venans de la part des Papes, comme de Iuges entierement incompetans, ne leur faisoient ny chaud ny froid. Donc la premiere excommunication maieure, & interdiction qui aye iamais esté iettee en la Chrestienté, est celle du Pape Gregoire septiesme, auparauant nommé Hildebrand, contre l'Empereur Henry troisiesme, pour la querelle des inuestitures des Euesques, laquelle peu apres sut suyuie par vne autresiettee en l'an 1085. par Vrbain deuxiesme, contre Henry quatriesme, fils dudit Henry troisiesme. Mais tant fen faut que ce remede violent ait proffi-

té à l'Eglise, que dés ce temps là, on remarque qu'elle changea son humilité ancienne, en orgueil, cruauté & tyrannie, dont les scandales nasquirent par tout en telle foison, que dessors les schismes & herefies, dont auiourd'huy nous beuuons la lie, ne cesserét de sourdre & prouigner sans intermission, & les Papes changeret le Ciel & la cure d'iceluy, aux dominations & foings temporels & terrestres. Et de faict, Sigisbert en sa Chronologie, detestant ladite excommunication iettee par Vrbain deuxiesme, & non seulement Sigisbert, mais encores l'Abbé d'Vsperg & Otho de Frisinge (tous autheurs approuuez par l'Eglise, & qui ne sont point censurez par le Concile de Trente, & partant irreprochables par ceux qui se disent vrais Catholiques Romains) ont appellé ceste nouvelle & insolente maniere d'excommunier & interdire les Princes souuerains, heresie pestisere & pernicieuse à l'Eglise.

Cela soit dit en general, pour mostrer que l'excomunication maieure, & principalement celle qui porte interdiction &

Caij

prination d'Estats & Royaumes, ne peut estre iettee contre aucuns Roys on Magistrats sonuerains. Mais en particulier, quant aux Roys de France, c'est chose dont on n'a oncques douté. Car ils sont & ont esté de tout temps immemorial en possession de ne pouuoir estre excommuniez & interdits par les Papes, pour quelque occasió ou pretexte que ce soit, en possession toutes & quantes fois que les Papes l'ont voulu entreprédre, qu'eux leurs subiets & Parlemens, & sur tous les Prelats de l'Eglise Gallicane y ont virilement resisté, tant pararmes spirituelles que temporelles. Le premier & plus ancien des actes qui se puissent recueillir dans noz registres & histoires, conseruatif de ceste possession, sut ce que manderent les Euesques de Frace au pape Gregoire quatriesme, lors que voulant diuifer la Frãce entre le pere & les enfãs, à fin de l'affoiblir & assubiertir à soy, il se presenta à l'instigatio des enfans de l'Empereur Loys Debonaire, pour l'interdire & excommunier:Sçauoir est, que s'il estoit venu pour excommunier leur Roy, il sen

retourneroit excomunie luy mesme, parce, diret ils, que les statuts des anciens canos ne luy permettoiet point telle chose. Les statutz des ancies canons, ils les prenoient, tant sur ce qu'il se trouve porté par plusieurs Conciles en general, touchant l'obeyssance deue aux Roys par leurs subiects, qu'en particulier par les capitulaires de la France, conformes au canon du Concile de Tolede, par lesquels estoit enioinet aux Prelatz de receuoir à la communion tous ceux que la Majesté du Roy auroit receu en sa grace, ou en sa table, encores qu'ilz eussent esté excomuniez par eux, ou par autres, afin, dit le canon, que l'Eglise ne soit veue reietter ou condemner, ceux dont il plaist à noz Roys se seruir. Yues Euesques de Chartres, par l'authorité de ce canon se purge en son Epistre 123. de ce que le iour de Pasque il auoit receu à la saincte communion vn excommunié, & en son Epistre 195. il conseille à l'Archeuesque de Sens de receuoir à la communion aucuns domestiques du Roy, qui auoient esté excommuniez, mesme sans satisfa» ction; d'autant, dit-il, que le maniement

» des choses temporelles, ayant esté attri-

» bué aux Roys, qui sont chess & sonde-

" ment du peuple, s'ils abusent quelques-

» fois de la puissance qui leur est attribuee,

" ils ne doiuent estre par nous grieuement

" vlcerez : Mais lors qu'ilz ne voudront ac-

» quiescer aux sainctes remonstrances des

» Ministres de Dieu, il faut les reseruer au

" iugemet diuin, où ilz seront d'autat plus

" griefuement punis, qu'ilz auront esté re-

» fractaires aux sainctes admonitions.

D'autres possessis est anciennes de ce droict de noz Roys, il est aisé d'en remarquer dans noz histoires & liures, comme entre autres dans les epistres de Hincmarus Archeuesque de Reims, mesmes celle qu'il escrit au Pape Adrian, sur ce qu'il luy auoit commandé de se distraire de l'obeyssance de Charles le Chauue, souz ombre qu'il n'auoit voulu plier souz le commandement dudit Pape, & en ce faisant laisser le Royaume de Lothaire à Loys d'Allemagne: a quoy ledit Hincmarus respond sort virillement, que les Papes n'ont telle puissance sur les Roys, ny leurs

fur leurs subjects, & qu'ils ne les peuuent interdire, ne se trouuant point que les anciens Chrestiens se soient soustraicts de l'obeyssance de leurs Princes, bié qu'Arriens ou payens. Et aussi les epistres de Gerbert Archeuesque de Rheims, qui depuis a esté le Pape Siluestre deuxiesme, & mesme celle qu'il escrit à l'Archeuesque de Sens, & aux autres Euesques qui auoiet condemné Arnulphe Archeuesque de Reims, pour crime de leze Majesté, par laquelle il leur mande qu'ilz n'ayent à craindre l'iniuste excommunication du Pape Iean dixseptiesme, qui vonloit faire restituer ledit Arnulphe. Comme encores pour descendre en des temps plus recens, la mesme possession se trouue assez prouuée, par l'appel qu'interietta Philippe Auguste, de l'interdictió contre luy iettee par le Pape Innocent troisiesme, afin de l'empescher de recouurer la Normandie, sur le Roy Iean sansterre son vassal, nonobstant laquelle interdiction dont ledit Auguste appella au Concile futur) il ne cessa de paracheuer sa conqueste, & la mit entierement afin,

& ce qui se passa long temps depuis, entre le Pape Boniface huitiesme, & le Roy Philippes le Bel, & entre Iules deuxiesme & le Roy Loys douziesme: contre toutes lesquelles possessions on ne nous peut aleguer que lesdictes trois excommunications, celle du Pape Nicolas contre Lotaire, Roy non de France, mais de Lorraine celle du Pape Vrbain deuxiesme, contre le Roy Philippes premier, & vne autre du Pape Innocet troisiesme, contre le mesme Roy Philippe Auguste: Ausquelles trois excommunicatios, toutesfois il est tresfacile de respondre: par ce que quant à celle du Pape Nicolas, il la fit en qualité d'arbitre esleu, & duquel partant ledit Lotaire ne pouuoit decliner la iurisdiction. Quant à celle de Philippes premier, elle fut faicte par le Concile de Clermont, & non par le Pape Vrbain seul: & quant à celle contre Philippes Auguste, elle sut faicte par les Prelats François, assistans auec eux vn Legat du Pape, & non point iettee par ledit Pape, ny enuoyée de Rome en guise de lettre de change, extra partes:ioinct (& cel-

le là est vne des principalles responces) que lesdictes trois excommunications estoient mineures & non maieures, & donées en causes pures Ecclesiastiques, veu qu'en toutes trois il sagissoit de sacremet de mariage, & de faire rejetter par lesdits Roys leurs concubines, qu'ilz auoient prinses au lieu de leurs femmes: & à tout le moins esdictes excommunications, il n'estoit point question d'interdiction. Ic sçay que contre cela aucuns me dirot, suiuat les chroniques de saince Denis, ou autres moynes ignorans, que l'excommunication iettee contre Philippe premier estoit maieure, portant interdiction de luy obeir, souz ombre que ladicte histoire porte, que tant que la dicte excommunication dura, les Ecclesiastiques escriuans les dattes en leurs actes publics, mettoient ces mots, Regnante Christo, & non point regnante Philippo. Mais cela se trouue assez confuté par les bons historiens, & autheurs du temps: mesmes par Yues Euesque de Chartres, fort affectióné à la cause des Papes, qui escriuoit souuent audit Roy, lors de ladicte excom-

munication, & le recognoissoit pour son Roy: Ce qu'il n'eust faict s'il eust esté interdir, & se voit encores par les mesmes historiens, que ledit Philippes estoit fort bien recogneu & obey par ses subiects. Au surplus qu'on lise les chroniques, il se trouuera que pendant & nonobstant toutes lesdictes trois pretendües excommunications, lesdicts Roys estoient plainement recogneuz, & n'opererent lesdictes excommunications, sinon qu'entat qu'il pleust ausdicts Roys: lesquels volontairement reprindrent leurs femmes, à la priere instante de leurs subiects,& par ce qu'ilz en auoient des enfans: Mais ce qui met la chose du tout hors de dispute, est ce qui se passa depuis en l'an 1280. entre les Papes & noz Roys. Sçauoir est, que noz Roys voyans que depuis, & en consequence de ladicte excommunication maieure, les Papes alloient de iour en iour en vne haultesse & presomption si grande, qu'ilz ne craignoient point d'vser de leur glaine, & en frapper à tort & à trauers, contre toutes sortes de Princes, Empereurs, Roys, & Republiques, pour

seruir à leur interest priué, & passion particuliere, & pour estendre leur domination sur eux: & doutans que si telles choses leur estoient souffertes, ilz ne s'enhardissent auec le temps de mettre leur Roy aume en pareils troubles qu'ilz auoient faict l'Allemagne, l'Italie & autres pays de la Chrestienté, ilz s'adresserent aufdicts Papes, pour leur representer & faire voir leurs anciens droicts & libertez, ensemble de leurs subiects, serviteurs &officiers,& de toute l'Eglise Gallicane, dont la memoire estoit lors toute fresche, & fur la preuue qu'ilz leur en monstrerent, obtindrent d'eux iusques à douze declarations; bulles & titres nouueaux, sçauoir est des Papes, Martin troisiesme & quatriesme, Gregoire huictiesme, neufiesme, dixiesme & onziesme: Alexandre quatriesme, Clement quatriesme & cinquiesme, Nicolas troisiesme, Vrbain 5. & Bonsface douziesme. Lesquelles Bodin (que ie nome pour estre des principaux factieux de la ligue) tesmoigne en sa Republique, auoir veues dans le tresor des Chartres, suiuant lesquelles bulles & de-

D iij

clarations, & en consequence d'icelles, se trouuent depuis infiniz arrests donnez és Parlemens de Paris, Tholoze, & autres, dot les registres depuis les années 1300.iusques en l'anee 1500. sot pleins, ensemble les liures des vieux pratticiens. de France, comme Boërius, Chassaneus, Benedicti, Aufrerius & Rebuffi: specialement fen trouue vn fort aduantageax, contre vn Arrogonnoys nommé Maistre Claude Sanceloup, & vn cheuaucheur du Pape Benedict natif de Castille, qui auoyent apporté & voulu publier des Bulles contre le Roy Carles V I. & le Royaume: lesquelles Bulles furent le 16. de Iuillet 1491. publicquement lacerées en la grand chambre, où estoyent presens plusieurs Princes, Seigneurs, Gentils-hommes, Prelats, Bourgeois & autres, tant du Clergé que de l'vniversité: & 12. ou 15. iours apres, lesdicts deux Bullistes, vestuz de tuniques de toille paincte, où estoient figurées la presentation desdictes Bulles, & les Armes de Benedict renuersées, surent amenez des prisons du Louure

au Palais, où ils firent amende honorable à la leuce de la Cour, puis furent menez mitrez en vn tombereau par les carrefours de Paris. Se trouuent encore deux autres arrests donnez les 19. & 26. Feurier, 1410. entre l'Archeuesque & l'Archidiacre de Reims, par lesquels conformément à ce que prouue du Tillet, en ses memoires, il fut dict qu'vn Pair de France ou officier, ne pouuoient estre excommuniez. Vn autre du douziesme Decembre 1468.par lequel vn interdit ietté par l'Official de Besançon, contre la ville de Neuers, fut declaré nul & abusif. Vn de l'an 1488 par lequel le semblable sur dit pour les habitans de Gand & de Bruges. Et se trouuent és mesmes registres plufieurs lettres patentes de noz Roys à semblable fin: mesmes du Roy Charles cinquiesme, de l'an 1339. & du Roy Charles septiesme du deuxiesme Septebre, 1440. portans dessences aux Cours de Parlement & autres Iuges, de ne souffrir estre publices des censures, excommunications, fulminations & prinations, contre les subiets du Roy, & que ceux qui

le feroient, seroient puniz comme infracteurs des ordonnances & perturbateurs du repos public. Mesmement en l'annee 1580 au mois d'Octobre, fut donné arrest, auquel presidoit Maistre Barnabé Brisson, lors President en ladite Cour, portant commission pour informer contre les Archeuesques & Euesques, qui auroiet receu la Bulle de cæna Domini, contenant semblables excommunications, donner iour à ceux qui l'auoient faict publier, & saisir leur temporel, & fut l'imprimeur qui l'estoit ingeré de l'imprimer tres-seuerement chastié. Tous lesquels actes, tendans à la manutention des libertez, & preeminences de noz Roys & de ce Royaume, n'ont point esté de si legere importance, qu'à eux, & no autres, nous ne deuions attribuer la tref-longue duree de cest Estat, qui a demeuré en son entier 1200.cotinuels:au lieu que si nous voulions soigneusement esplucher les histoires des autres Empires & Monarchies, nous les trouverons avoir fort peu duré, & auoir esté pour la plus part asseruies, renuersees & transferees, non point

vne, mais plusieurs fois, par le moyen de telles entreprises des Papes, & desordres naiz à l'occasion d'icelles. I'ay obmis de raconter ce qui sut fait contre Bonisace huictiesme/ en estant l'histoire assez cognüe) tant par le Clergé de France, qui appella comme d'abus de sa creation, & intrusion au sutur Concile, que par le Parlement qui sit publiquement brusser sa bulle, & par aucuns Gentils-hommes François, conduits par Nogaret, & aydez par des Romains, qui le prindrent en vn Chasteau, où il s'estoit allé promener, le conduirent és prisons de Rome, où il mourut miserablement.

l'adiousteray, à ce que dessus, que ledit Boniface huictiesme, lequel, comme dit Platine, vouloit mettre és cœurs des Roys, des Princes & des peuples, la terreur & la crainte, plustost que la religion, & disposer de leurs Royaumes & Estats à sa discretion: sestant par sa tyrannique extrauagate, Vnam sanctam, attribüé non seulement la puissance du glaiue spirituel sur les Roys, Princes & Empereurs, mais aussi du temporel, pour les priuer quand

bon luy sembleroit, de leurs Estats, Empires, Royaumes & principautez. Clement cinquiesme son successeur recognoissant les libertez & franchises du Royaume de France, par l'extrauagante. Meruit, qui est au tiltre De privilegys, declara qu'il n'entendoit qu'aucun preiudice fut faict aux Roys de France, par ceste cossitutio de Boniface, ny q par le moye d'icelle, le Roy son Royaume & ses subiets, fussent dauantage assubiettis àil'Eglise Romaine, qu'ils estoient auparauat. Or est il qu'auparauant ils n'auoient iamais recogneu les Papes, ny autres quelsconques, en la temporalité, comme dés' long temps auparauant, auoit esté recogneu par Innocent troisiesme, au chapitre, Per venerabilem, au tiltre, Qui filij sint legitimi. Il s'ensuit donc que les Papes n'ont puissance de priuer noz Roys de leur Royaume. Ce que dessus est pour le regard de la qualité de nostre Roy, contre lequel la bulle du Pape Sixte cinquiéme a esté decernee, & en consequence de laquelle, celle de Gregoire quatorziesme s'en est ensuyuie. Reste à parler

sommairement de la qualité de ceux qui sont suspenduz & excommuniez par lesdites Bulles de Gregoire quatorziesme. Et ne m'arresteray point à ce que noz constitutions canoniques portent, que les Prestres & principalement les Euesques ne peuuent estre condamnez, sinon auec fort grande cognoissance de cause, Et nisi convicti aut confessi fuerint, & mesmes que pour condamner & deposer vn Euesque, il faut qu'il soit conuaincu par c. Placuit le tesmoignage de soixante & douze tes- 2.qu.5., moings, gens qualifiez. Mais ce qui est plus considerable és personnes, tant desdits Euesques, & des autres Ecclesiastiques, que des laiz comprins en ces Bulles, est que tant par la disposition du droict, que par l'authorité des saints do-Cteurs, lors qu'il y va du peché d'vne multitude, il n'est loisible de l'excommunier, principalement quand telle excommunication peut causer vn schisme en l'Eglise, comme il est deduit amplement par fainct Augustin, en son troissesme liure, cano pocontre l'Epistre de Parmenian Donati- qu.4. ste, lequel dit que tels conseils d'excom-

& seg.

munication sont inutiles, pernicieux, pleins de sacrilege & d'impieté: & troublent plus les bons insirmes, qu'ils ne corrigent les meschans. Et dans les registres des anciennes ordonnances, nous trouuons qu'en l'an 1369. le Roy Charles cinquiesme, dessendit à tous Prelats & autres, d'excommunier les villes, bourgades, & communautez de son Royaume. Le mesme Roy tres-catholique, contre l'ambition des Papes, sit composer le dialogue intitulé, Somnium Viridarij.

Cela suffise pour le regard des personnes, contre les quelles toutes les dites Bulles ont esté decernees. Quant à la qualité de la chose, il est certain que les Bulles sont pareillement nulles, soit pour le regard de la formalité, soit qu'on considere le fonds. Quant à la forme, nous auons desta discouru, comme par personnes recusables, & qui estoient luges & parties tout ensemble, elles ont esté premierement complotees & concertees, puis dictees, & en sin decernees, publiees & executees. Le tout in re de ceux qui les decernoient, & qui en ce faisant,

estoient iuges & parties, & qui d'allieurs voulussent ou non, estoient contraints & forcez de ce faire, & par contract & traité s'y estoiet obligez. C'est pourquoy sans repeter tout cela, ie me contenteray. seulement de dire en cet endroit, qu'outre ces nullitez & celle que nous auons encores cottee, de ce que ladicte bulle est decernee, extra partes, il y en a encores vne autré apparente & indubitable, c'est quelle est donnee fans ouyr ny faire appeller les parties. Et qui pis est, celle de l'an 1585. donnee contre le Roy, n'a iamais esté publice en France, ny fignifiee: ce qui la rend nulle de toute nullité. Si on dit que en cas de notorieté, il n'est point besoin de citation, on respond que ceste maxime est fauce, & telle tenüe par les Canonistes mesmes : car ils disent bie que notorium non indiget probatione. Mais que celuy contre qui on alegue la notorieté, ne doit point estre adiourné, quand ce ne seroit que pour faire preuue auec luy de la notorieté: c'est chose dont iamais nul ne douta, estant certain que tous jugemens, quels qu'ilz soient, ou se

doiuent donner contradictoirement parties ouyes, ou par defauts & contumaces icelles appellees: ce que prouuet les Canonistes par l'exemple de Dieu mesme, au premier iugement qu'il fit contre Adam. Car combien qu'il ne doutast point qu'il n'eust peché, il le cita neantmoins prealablement, afin de donner exemple aux hommes de faire le mesme en leurs iugemens. Comme encores il fit le semblable contre ceux de Sodome & Gomorrhe, desquels le peché estoit non seulement à luy, mais à tout le mondé notoire & manifeste. Et neantmoins il dit, Descendam & videbo: Ce qu'aussi les Papes de tout temps ont pratiqué, en toutes excommunications qu'ilz ont entrepris de faire, comme celle dont nous auons cy deuant parlé, contre les Roys Loys Debonnaire, Lotaire, Philippe premier, & Philippe Auguste, qui tous prealablemet furent citez auparauant que de rien decerner contre eux, & mesmes les Legatz enuoyez en France, pour assister à la confectió de leurs proces, encores que la notorieté de leurs fautes sust euidente, &

que publiquement on vist leurs concubines à leurs costez, & leurs femmes legitimes chassées: Mais on jugeoit deux choses estre necessaires, l'vne que suyuant toute forme iudiciaire, ils sussent citez pour venir proposer leurs desfenses: l'autre que selon les formes, Ecclesiastiques, que Dieu mesme de sa bouche nous à prescrit, ilz sussent admonestez par plusieurs fois, pour venir voir s'ilz voudroiét corriger leurs fautes: & le mesme se trouue auoir esté pratiqué par le Pape Gregoire septiesme, par Pascal deuxiesme, Innocent troisiesme, Alexandre troisiesme, cotre les Empereurs Henry quarriesme & cinquiesme, & les Federics premier & deuxiesme, & les autres Empereurs iusques au nombre de sept, lesquels auant qu'excommunier, ilz faisoient citer en diuers Conciles, comme en celuy de Lyon & autres. Le mesme encores fut obserué cotre le Roy Henry huictiesme d'Angleterre, par Clement huistiefme & son successeur, & dernierement en l'annee, 1564. le feu Pape Pie quatriesme, voulat procedder par excommunica-

tion contre la Royne Iehanne de Nauarre, qui estoit de la religió pretedue reformee, il comença par citatio, laquelle toutesfoisdepuis, il reuoqua sur les remostrăces que luy enuoia faire le feu Roy Charles IX, contenat ce que nous auos dit cy dessus, que les Papes n'auoiet puissace de decerner monitoires, où excommunications contre leurs subjects. Ny ayant doc és excomunicatios dot est question, ny citatio, ny monitios precedetes qui sot necessaires, mesmes par la disposition du droict Canon; il est certain qu'elles sont nulles & defectueuses. Ie sçay bien qu'on dira que par la bulle contre les Ecclesiastiques, il y a trois monitions, leur estans donnez quinze iours de delay pour se recognoistre, scauoir est cinq jours pour la premiere monition, cinq pour la secode, & les autres cinq pour la troissesme. Mais c'est vne pure moquerie: car tant par la disposition divine que par le droiet cano, auat qu'excomunier aucu, il faut l'admonester par plusieurs & diuerses fois de se recognoistre. Or si iamais en affaire quelconque, ces formalitez ont esté requiles, elles

elles estoient en ceste cy, en laquelle il fagissoit du repos & de la ruine, non seulement de ce grand Royaume, mais aussi de toute la Chrestienté. Joinct que d'ailieurs on ne peut dire, pour le regard de nostre Roy, qu'il y eust de la notorieté. Car combié qu'il fut notoire, que depuis la iournee S. Barthelemy, en laquelle il fit profession de nostre religion, il fut retombé en la sienne precedente, toutesfois pour cela, il ne se peut dire, q notoirement il fut relaps: car pour elider cetce notorieté, ceux qui deffendent sa caufe, alleguent vn faict fort pertinet & vraysemblable, c'est qu'il ne s'estoit faict Catholique volontairement, mais par crainte & par force, & pour euiter la mort dont on le menaçoit, à l'exemple de tous ses serviteurs qu'on auoit massacré en sa presence, pour esbranler sa fragilité puerile, n'estant pour lors aagé que de dixfept ou dix-huict ans : sans qu'au surplus on se donnast peine de l'instruire en la religió Catholique: car ceux de Guyle qui pour lors possedoient la Royne Mere, ne craignoient rien tant que cela, de peur

que se rendant à bon escient Catholique, tous moyens de remuer & prendre les armes luy sussent oftez. On ne peut aussi dire qu'il soit notoirement heretique, ayat tousiours protesté ne vouloir sopiniastrer en sa religion, lors qu'on luy monstrera son erreur, & sestant tousiours soubmis à l'instruction, comme il sera deduit plus

amplement par cy apres.

Cela soit dit, quant aux formalitez: quant au fonds, c'est chose tres-certaine que lesdites Bulles, en quelque sens qu'on les vueille predre, sont nulles & iniustes; Nulles en ce que les Papes ne sont sondez en jurisdictió aucune, de juger & decider les droicts des Royaumes, veu que c'est matiere purement temporelle & prophane, & de laquelle partat par leurs confessions mesmes, ils ne se peuuent aucunément messer, à tout le moins pour le regard du Royaume de Frace, come il a esté remonstré par cy denat: Iniuste, en ce que par ladite Bulle, le Roy a esté declaré heretique & relaps, & come tel priué de ses Royaumes & Estats. Or est-il que l'vn & l'autre est faux & calomnieux : car en-

cores qu'il soit en erreur, toutes sois ayant tousiours protesté, come il fait encores, qu'en luy faisant voir, soit en vn Concile general ou national, soit en vue coferece de docteurs, qu'il y a erreur en sa religio; il est prest à sen departir, on ne peut dire qu'il soit heretique, come il est expresse ment decidé par nostre droict canon, & par la doctrine de S. Augustin, qui dit, Ca. hare-Que celuy est heretique, lequel pour quelque qu.3. commodité temporelle, & principalement pour vaine gloire, & pour ambition de regner, invente ou suit des faulces & nouvelles opinions, & non celuy qui croit à ceste espece d'hommes, & est trompé par une fauce imagination de verité & de pieté, & que ceux Apostolus qui deffendent sans obstination leur opinion, ead. qu. quoy que faulce & peruerse, laquelle ils n'ont point presumptueusement inventee, mais la tiennent de leurs parens, seduits & tombezi en erreur, & neantmoins recherchent curieusement la verité, prests à se corriger, lors qu'ils l'auront trouuee, ils ne doiuent point: estre reputez pour heretiques. Aussi peu est: nostre Roy relaps: car ayant esté nourry & instruit dés sa plus tendre ieunesse, en:

la religion, laquelle il tient encores de present, on ne peut dire qu'auant la saince Barthelemy fuerit lapsus, quoy qu'il sut en erreur tellement que quand il seroit vray, que lors de la saince Barthelemy, il sut volontairemet entré au giron de l'Eglise, quand il s'en est depuis departy, Lapsus est, en non relapsus. Mais c'est chose toute notoire, comme il a esté dit cy deuant, qu'il sut contraint par sorce, & par la rerreur des armes de la saince Barthelemy, à faindre de quitter sa religion, & se saire Catholique, sans auoir esté aucunement instruit.

Mais passant oultre, quand bien toutes ces calomnies seroient veritables, si est ce que pour cela, le Pape n'auroit eu droiet de le priuer de son Royaume: Car par quelle loy est il porté, que les relaps soiet incapables des Estats & dignitez, tant seculieres qu'Ecclesiastiques, sans aucun espoir de restitution, sinon par les constitutions des derniers Papes, qui n'ont iamais esté receues en Frace, non plus que le restite des Decretales, Clemetines & extrauagantes; & partant n'y peuvent saire

droict: veu mesmes qu'elles sont contraires à l'Euangile, qui dit, Non tantum septies, sed septuages septies: Suyuant aussi les canons & reigles de l'Eglise, qui parlét de lapsis reparandis, & ce que les saints docteurs ont tant soustenu cotre les Notiens & Donatistes?

Nous auons cy deuant dit, que par les preceptes de nostre Seigneur & de ses Apostres, nous sommes instruits d'obeir à noz Roys tels qu'ils soient, & de rendre à Cesar ce qui luy appartient. S. Pierre en sa premiere Epistre, dit aux Chresties qui viuoient lors soubs des Princes Payes & idolatres, Soyez subiets à tout ordre hu- 1.S. Pier. main pour l'amour de Dicu, soit au Roy comme au superieur, soit aux Gouuerneurs qui sont enuoyez de par luy, à la vengeance des malfaicteurs, & à la louange des bons.Portez honneur à tous, aymez fraternité, craignez Dieu, honorez le Roy. Seruiteurs, soyez subiets en toute crainte à voz maistres, non seulement aux bons, mais aussi aux desreglez. Car cela est la grace, si quelqu'un à cause de la conscience endure fascherie souffrant ininstement. Et sainct Paul instruisant Tite

iii

Tit. 3.

fon Disciple, luy dit, Admonestez les qu'ils Soient subiets aux principautez & puissances, qu'ils obeissent aux Gouverneurs, & Rom. 13. qu'ils soient prests à tout bon œuure. Et aux Romains, Toute ame soit subjette aux puissances souveraines, comme estans ordonnees de Dieu.Parquoy qui y resiste, s'acquiert danation eternelle. Et pourtant il faut estre Subiets, non point seulement pour l'ire, mais ausi pour la conscience. Et sainct Iea Chrisoftome, interpretant ce passage de sainct Paul, remarque qu'il a dit expres, tonte ame, pour monstrer qu'il n'y a personne exempte de ceste subiection. Et non seulement par le nouueau testament, nous sommes enseignez d'obeir à noz Roys quels qu'ils soient, mais aussi par les exeples & preceptes du vieil testament: Car combien que Saül eust esté reietté de Dieu, qui auoit esseu Dauid en sa place, toutes fois nonobstant ceste condemnation, il n'a iamais esté abandonné par ses subiets, ny par Dauid mesmes, qui de son viuant luy a porté tout honneur & reuerence, quoy qu'il le persecutast pour. le faire mourir. Nous pouuons dire le

mesme de Salomon, & plusieurs Roys de Hierusalem, lesquels combien qu'ils fussent tombez en idolatrie, toutesfois leurs subiets ne se departoient de leur obeis- Baruch. sance. Dans Baruch il appert que les en-2. fans d'Israël, ayans esté menez captifs en Babylone, Dieu leur commanda de se soubmettre au ioug, & seruir le Roy de Babylone, & en ce faisant, leur promit le retour en leurs pays: au contraire fils n'obeissoient à ce commandement, les menaça de leur ruine. Et par le Prophete Hicre. Hieremie leur est dit, Demandez la paix 29. de la Citézen laquelle ie vous ay faict transmigrer, & priez pour elle : car en sa paix vous aurez paix : Que voz Prophetes ne vous seduisent point, qui sont au milieu de vous, ne voz deuins, & n'entendez à voz songes que vous songez : car ils vous prophetisent faulcement en mon nom, par ce que ie ne les ay point enuoyez, dit le seigneur.

Par ces passages de l'escriture, & plufieurs autres, nous sommes instruits d'obeir à noz Roys bons ou mauuais qu'ils soient, sur peine d'estre puniz comme refractaires aux commandemens de Dieu, Ioh.12.

48 lequel tenant les cœurs des Roys en sa main, les enclinant à toutes choses qu'il veut, les donne ores iustes & craignans Dieu, ores hypocrites, ores bié sentans de la foy, & ores idolatres & heretiques, ores bos & clemes, & ores cruels tyrans, selon qu'il luy plaist traitter son peuple fauorablement ou rigoureusement, c'est luy qui donne des enfans pour Princes, & des effeminez pour regner. C'est luy qui change les cœurs des Roys de la terre, & les faict fouruoyer. Ce n'est point aux hommes à entreprendre de s'opposer à sa volonté, ny contre icelle eriger des

forts, des machines & des conseils: faire comme les enfans de Nembrot, qui ozerent desier le ciel. Bref c'est à eux à plier le col, & s'humilier soubs la toutepuissance de Dieu, & remaschant ce que dit Sain& Paul aux Corinthiens. Homo qui es? se contenir en l'observation de ce diuin precepte, Noli altum sapere, sed time, A cela comme nous auons desia dit, nous fommes conuiez par les exeples de nostre Sauueur, qui a voulu naistre souz vn Empereur Payen, & souz He-

rode

rode cruel Tyran, & de tous les saincts Peres de l'Eglise primitiue, qui viuoyent souz des Princes Payens & heretiques Et estoit lors l'Eglise en meilleur estat, & coposee de ministres plus deuots & plus faincts sans comparaison que leur posterité, commè estat l'affliction & subjection que Dieu leur enuoyoit par ces Tyrans, le vray exercice du Chrestien, à la patience, humilité & saincteté, qui se nourrit comme la roze au milieu des espines, & qui festouffe & aneatist par trop d'aises, de richesses, de bombances, d'orgueil & de superfluitez. Il n'est point besoin pour preuue de cela, d'entrer dauantage au denombremét de trente sept Empereurs Payens, qui ont esté aux premiers trois cens ans du Christianisme, depuis Auguste insques à Constantin le grand, & de quarate trois Papes tous Saincts & Martyrs, qui ont vescu durant ce temps, & d'infinis Euesques & autres Saincts personnages, vrays exemplaires de sain-Acté & probité, qui ont vesculors par tout le monde. Aussi peu est il besoin de raconter yn grand nombre d'Empereurs

heretiques; qui ont esté depuis Constantin iusques à Iustinian, & depuis luy iusques au declin de l'Empire Grec, en plus grand nombre beaucoup que de Catholiques: ny encores les Roys Vadales d' Afrique, ny les Roys Ostrogots de Rome, fouz lesquels l'Eglise a le plus fleury, se conduisans souz leur authorité, & par leur commandement, tant les Euesques, que les Papes, qui alloient en Ambassade pour eux, & les acceptoient pour arbitres & juges, quad ils auoient quelques differes, mesmes pour le Papar. Et pour roit on, si besoin estoit, adiouster vn long catologue des Roys Arriens, qui ont regné sur les Hespagnes, depuis Alaric iusques au temps de Ricarede, & sur plus de la moitié des Gaules, depuis ledit Alaric, infques an Roy Clouis, fouz lesquels temps ont vescu infinis Prelats, & autres tant Ecclessastiques que laiz, & vn bon nombre de Roys, Bourguignons, Lombards, Anglois, Escossois, Hogres, Boesmiens, & d'autres nations, les vins idolatres, & les autres heretiques, souz lesquels neantmoins ne laissoit de s'esseuer

& augmenter l'Eglise de Dieu, en tel nobre & multitude, que soudain que lesdicts Roys se faisoient Chrestiens, lears subjets by trousoient tellement disposez, que tout à coup leurs Royaumes entiers se trouvoient estre deuenuz Chrestiens. Or qu'vn seul de tant de Roys & Princes mesmement heretiques, ayent esté excomuniez par les Papes & Euesques, ny qu'à leur adueu & par leur conseil leurs subiects se soient rebellez contre eux, il ne se trouue point par les histoires: ¿ce que neantmoins ces saincts Peres n'eussent obmis à faire s'ils eussent estimé leur estre licité : car l'estant, cela estoit de leur deuoir, & n'eussent non plus craint de l'entreprendre, que la plus part d'eux n'ot point douté de souffrir martyre pour la deffence de la vraye religion. Si on respond à cela par l'authorité des Ganons, & mesmes de sainct Augustin, que lors que le nobre d'heretiques est si grad, que le remede de l'excommunication est dangereux, lors il s'en faut abstenir, de peur que voulant guairir le mal, on en irrite ou prouoque vn plus grand 3 & qu'en

G ij

ce cas, il faut prier Dieu qu'il y merte la main: precepte que veritab lemet les Papes n'ont que trop sçeu mettre en vsage, n'ayans iamais excommunié les Princes & Republiques, sinon quand ils se sont estimez assez forts, pour dessendre par armes téporelles lesdites excomunicatios, lesquelles ils ont reuoqué tout court, lors qu'ils se sont trouuez les plus foibles. A cela on peut repliquer, que l'estat de la France montre assez, & monstrera de plus en plus, Dieu aydant, qu'à ce precepre & prudence de serpent, à ce coup les Papes Sixte & Gregoire ont grandemet failly, comme aussi leurs predecesseurs y faillirent grandement, quand ils excomunierent le Roy Henry d'Angleterre, & les Princes d'Allemagne Protestans. Caril se void assez par experience, que sans la mort de plusieurs millions d'hommes, ces bulles ne peuuent estre executées, veu la resistence qu'y sont, & seront encores dauantage, non seulement tous les bons & naturels François, mais aussi tous ceux des nations estranges, qui redoutent la Tyrannie Hespagnolle. Et de-

uoit le Pape prendre garde, à ce qui s'estoit passé en France par lespace des trente ans derniers, durant lesquels les feuz Roys Charles & Henry dernier, apres auoir remply de feu & de sang leur Royaume auparauant tressorissant, imploré à leur secours toutes les forces estrageres, & employé tant la peau du regnard que du lyon pour exterminer ceux de la religion pretendüe reformee, neantmoins afin de ne voir en tout & par tout la ruyne finalle de leur Estat, ont esté cotraints par sept ou huict fois assopir les guerres par Edits de pacificatio. A plus forte raison deuoit ceste voye estre pratiquee, maintenant que pour la dessence de ce Royaume, à ceux de ladicte religion, se font ioincts les bos Catholiques & vrays François, qui ont les yeux dessillez, & recognoissent que ces troubles esseuez depuis trente ans souz pretexte de religion, n'estoit qu'vne trame & planche artificiellement pratiquee par les menées de ceux de la maison de Guyse, & les pensionnaires d'Hespaigne, pour sur icelle faire vn pont à leur ambition.

- le sçay bien que contre les raisons, authoritez & exemples cy dessus alleguez, nos ergotistes & Docteurs subtils de ce temps, ont voulu apporter vne distinctio, qu'il faut obeir aux Roys heretiques, quand ils deuiennent tels apres estre Roys, pource qu'estans establiz de Dieu, on ne les peut priver de leurs Estats, pour quelque fante qu'ils facent : Mais que si de personnes pures princes, estans heretiques, ils veulent deuenir Roys, en ce cas il est licite aux peuples qui ne leur ont rié iuré, de les reietter & leur clorre la porte. Mais ceste distinction est fort inepte & reiettée, tant par Sixte que par Gregoire, en ce qu'ils declarent par leurs bulles, nostre Roy priué non seulement du Roy-'aume de France, mais aussi de celuy de Nauarre, qui luy estoit acquis de longue main. Et aussi par noz ligueurs rebelles, lesquels ont ozé declarer le feu Roy priué du Royaume, qui luy estoit aussi de longue main acquis. Aussi que ceste distinction seroit inepte en ce Royaume, qui n'est aucunement electif, & ne deped de la volonté des subjets; de receuoir &

repousser le Roy, pource que si tost que le predecesseur a les yeux clos, le successeur entre en sa place, ipso iure, & comme on dit, le mort saisit le vif, sans qu'il soit tenu si bon ne luy semble, se faire coronner & facrer: n'estans ces choses là que pures ceremonies, sans lesquelles il ne laisse de pouvoir exercer toutes les functions de Roy. Ayant esté la premiere vnction du Roy Clouis, comme chacun sçait, & la faincte Ampoulle que nous lisons auoiresté apportee par vn Ange, introduite & employee pour seruir à son Baptesme feulement,& non pour ceremonie appartenant à sa dignité Royale: comme de faict augun des successeurs de sa raceme se trouve auoir esté oinct ny sacré apres luy, & fut ceste viction seulement renouuelee,& remise en vsage par le Pape Zacharie, lequel estant venu en Frace pour assister au coronnemet du Roy Pepin, mit expressement ceste ceremonie en auant, non pource qu'elle fust necessaire à la dignité & maiesté des Roys, mais pour se doner & à ses successeurs, vn acte de posfession coloree, que c'estoit à eux à consacrer, & par consequent à installer les Roys, & en leur absence, aux Euesques leurs creatures: estant d'ailleurs certain, que de tous les Roys de la Chrestienté, plus de la moitié ne sont oincts ny sacrez, & ne laissent pour cela d'estre tenuz Roys: comme encor plusieurs de noz Roys (ie dis mesmes de ceux qui out esté depuis Pepin) ont demeuré cinq, six ou sept ans entiers, auparauant que se faire sacrer, & aucuns ne l'ont esté du tout: & neantmoins n'ont laissé de regner heureusement, & d'estre obeis par leurs sub-iets.

Ne sert aussi ce qu'aucuns des plus subtils disent, qu'en vn Royaume où l'heresse a esté de long temps establie, & où les Roys heretiques ont regné, il est permis de receuoir vn Roy heretique, pour ce que ce n'est point changement ny mutation. Car le contraire de ceste distinctió se voit en plusieurs histoires, & mesmes en celle d'Espagne, en laquelle apres que les Roys eurent esté par l'espace de cent ans, Catholiques, au bout desdits cent ans, l'vn d'entre eux nommé Resecute, se rendit 57

rendit Arrien, & furent ses successeurs Roys Arriens, tollerez cent ans durant, & obeis par leurs subiets Catholiques, comme encor Iulien l'Apostat, & plusieurs autres Empereurs heretiques, succedans à des Catholiques, ou des Catholiques deuenans heretiques & Apostats, ne laissoient pas d'estre obeis par leurs sub-

iets Catholiques.

Oultre les nullitez & iniustices cy desfus remarquees, si nous venons à examiner particulierement les dites bulles, nous y trouverons plusieurs grandes absurditez, & faulces suppositions: & principalement en la bulle de Gregoire, contre les Ecclesiastiques, comme en ce qu'on presuppose faulcement, que nostre Roy après la saince Barthelemy, sut solemnellement instruit en la religion Catholique, après plusieurs disputes publiques saites en sa presence, & à son instance, dans la grande Eglise de Paris, entre des docteurs en Theologie, & des ministres de sa religion.

En ce qu'il fonde la cause de son excommunication sur vn bruit commun,

disant que plusieurs des Ecclesiastiques, vt fama est, sont fauteurs & partisans du Roy, & à ceste occasió les excommunie, qui est vne nullité & absurdité fort grande & remarquable. Car si par nostre droict canon, coforme au ciuil, il est deffendu d'excommunier personne, auant que la cause de l'excommunication soit vallablement prouuce, commet se peut foustenir celle cy, qui n'est fondee que sur vn bruit public & incertain? C'est chose griefue & indecente (dit le canon) de proferer une sentence certaine, sur une chose douteuse. Car combien que plusieurs choses soiet veritables, toutes fois le Iuge ne les doit croire, si elles ne sont prouuees par certains indices. Puis il adiouste, Delà, il faut entendre que l'iniuste sentence ne lie personne, ny enuers Dieuny enuers l'Eglise. Il ne se faut donc abstenir de la comunion & conuersatio de celuy, contre lequel'il appert qu'une sentence inique a esté proferee.

Mais c'est vne grande mocquerie, de reprocher à noz Roys decedez long téps y a, & desquels la memoire est tres-louable & tres-illustre par tout le monde, que

Ca. graue & seqq. II. qu. 3. pour se garentir à l'encontre des Roys d'Espagne, & autres ennemis de ceste Coronne, ils se sont associez auec les infideles & heretiques, & aydés de leurs secours: & par là se monstre euidemment, de quelle boutique vient ceste bulle, & quelle vient des Espagnols, qui sont encores vlcerez en leur cœur, de ce que noz Roys n'ont espargné aucuns moyes, pour se dessendre à l'encontre d'eux, & de leurs alliez & confederez. Mais ie leur demanderois volontiers, comment ils sont si oultrecuidez, voire si impudens d'accuser noz Roys, d'vn faict qui est, & a tousiours esté si comun à eux mesmes, tant ausdits Espagnols qu'aux Papes & aux ligueurs:car pour leur regard,ils n'őc iamais pensé estre si grand crime de se ioindre aux heretiques & aux infideles, qu'ils ne l'ayent prattiqué toutes & quates fois que leur commodité la requis. tesmoings les Reistres & Enseignes de Lansquenets protestas, qui ont tousiours composé plus de la moitié de l'armee du Duc de Mayenne, ont seruy d'escorte au Cardinal Caëtan, pour le conduire à Pa-

ris, & luy ont tousiours seruy de gardecorps, pendant qu'il y a esté, faisans leurs presches & leur Cenes dans les colleges de Paris, y mangeans de la chair durat le Caresme, aux vendredis & autres iours desfendus resmoings aussi les Regimens de Frousberg, & autres Lutheriens, auec l'ayde desquels Charles le Quint, pere du Roy d'Espagne à present regnant, print & saccagea la ville de Rome, & y demeurerent fort long temps pour prendre le Pape Clement, & les Cardinaux qui sestoient sauuez au Chasteau sainct Ange. Tesmoings encor infinis exemples des Papes, & autres Princes Catholiques, qui se sont liguez & entenduz auec les Turcs, contre les Chrestiens. Entre autres, Innocent & Alexandre sixiesme, qui receuoient du grand Seigneur Amurat, quarante mil ducats de pension par an pour garder estroittement en prison close Gemin Othoma, frere dudit Amurat, de peur qu'il ne troublast son Estat, en faueur du Roy Charles huictiesme, & de ceux de Rhodes, qui l'auoient enuoyé audit Innocent à ceste sin: & se voyant,

Alexandre sixiesme, pressé par Charles huictiesme, de luy deliurer Gemin, à fin de s'en seruir à la guerre contre ledict Amurat (auec lequel ledit Pape auoit enuoié iurer ligue offensiue & defensiue, par vn sien agent, nommé Camille Pendon) il l'empoisonna: tesmoing encor Ferdinand & Alphonse Roys de Naples, qui auoient faict pareille ligue offensiue & deffensiue, auec ledit Amurat, contre ledit Roy Charles huictiesme: tesmoing aussi le Pape Iules deuxiesme, qui estant assiegé dans Boulongne par le Sieur de Chaumont, grand maistre de France, pendant qu'il le bessloit d'vne esperance de paix, y fit introduire par Chapin Vitelli, vne compagnie de Turcs pour sa desfence, & infinis autres exéples qu'on pourroit adiouster, s'il estoit besoin.

Ie ne puis en fin obmettre vne autre grande absurdité, qui est en ladite bulle de Gregoire treiziesme, qui dit que ceux qui auront encouru les peines contenües en ladite bulle, ne pourront estre absouls par autre que par le Pape, sinon en l'article de la mort, en baillant toutes sois caution d'obeir aux mandemens de l'Eglise: tellement qu'il pourra aduenir, qu'vn pauure simple & ignorant Prestre, ou autre Ecclesiastique, mourra en desespoir, à faute de pouvoir bailler caution: ce sont les essects de la charité paternelle de nostre saince Pere.

Voyla en somme les causes, raisons & moyes, qui ont induit Messieurs du Clergé, conformément à ce que Messieurs de la Cour de Parlement auoient iugé, à declarer les bulles monitoriales du Pape Gregoire quatorziesme nulles & iniustes, & qu'elles ne peuuent lier ny obliger les Ecclesiastiques, ny tous les bons & vrais Catholiques, qui sont demeurez en l'obeissance & sidelité qu'ils doiuent à leur Roy. Mais d'autant qu'en leur Declaration il y a vne clause, laquelle pour n'estre bien entendüe, pourroit peut estre scandaliser les bons & fideles François, il me semble estre à propos d'en toucher vn mot. C'est qu'apres-auoir declaré lesdites bulles estre nulles & iniustes, tant par l'authorité de l'escriture sainte, que des saints decrets, Conciles generaux,

constitutions canoniques, & exemples des saincts Peres, droicts & libertez de l'Eglise Gallicane, ils adioustent l'impossibilité de l'execution d'icelles bulles, pour les inconueniens infinis qui en ensuyuroient au preiudice & ruine de nostre religion. Mais on feroit tort à ces bons Prelats, qui ont tant d'interest à la conservation de cest Estat, & la plus part desquels ont volontairement abandonné tous leurs biens, leurs maisons & moyes, pour n'adherer à ceste malheureuse conspiration des ligueurs, d'estimer que pour excuse, ils voulussent se preualoir de la necessité & impossibilité. Car ce qu'ils ont mis en auant ladite impossibilité, c'est pour d'autant plus saire apparoir de l'iniustice de la bulle decernee contre eux. Et de faict, qu'elle iniquité plus grãde peut on voir, que d'excommunier tous les Pasteurs, Prestres & autres Ecclesiastiques des villes qui sont en l'obeissance du Roy, s'ils ne s'en retirent promptement? N'ont ils pas plustost occasion de dire qu'ils veulent estre faits anathemes pour leurs freres, que d'obeir à cest

iniuste commandement, & laisser leurs troupeaux destituez de pasteurs, lesquels à la longue se voyans sans exercice de religion, seroient contraints de receuoir les Ministres de la religion pretendüe resormee, qui ne demanderoient pas mieux que de prendre leurs places vuides.

Or combien que pour refrener ces entreprinses extraordinaires de ce cruel pere, Messieurs, noz Prelats & autres Ecclesiastiques assemblez à Chartres, eussent toutes les occasions du monde, d'imiter la vertu & rigoureuse seuerité de leurs. predecesseurs, lesquels en semblables occurrences, se sont tousiours virilement opposez aux violences des Papes, reuoquans en doute, ou plustost reiettas leurs qualitez de Papes, & appellans de leur intrusion au saince siege, lors qu'il seroit remply d'vne personne capable, ou bien au futur Concile: toutesfois mesdicts Sieurs du Clergé, traittans cetuy cy plus doucement, pour tascher quoy qu'en vain à le reduire à la raison, ou pour le mettre dauantage en son tort (combien qu'il ne puisse pis faire que ce qu'il a fair)

ſc

se sont contentez de declarer les bulles monitoriales nulles, auec protestation de ne se departir de l'obeissance du sainct fiege Apostolic: & ont auisé de deputer soubs le bon plaisir du Roy, deux Prelats auec quelques autres du Clergé, pour aller vers luy l'inuiter à se recognoistre, quoy que le Parlement de Paris transferé à Tours, eust declaré ledit Gregoire foy disant Pape, ennemy du Roy & du Royaume, & deffendu d'aller ou enuoier vers luy, sur peine de crime de leze Maiesté.

Estant donc ledit Gregoire ainsi fauorablement traitté par noz Prelats, & par eux recognu pour pere, combien qu'il ne les vueille recognoistre pour ses enfans, il a toutes les occasions du monde d'amander sa faute, & acquiescer à ce iugement si equitable, imitant le Pape Leon quatriesme, lequel se soubmit volontairement au jugement du Roy Loys deuxiesme, & de ses deputez, luy escriuat en ces termes, Si nous auons faict quelque ca. nos fi chose incompetemment, & si à voz subiects incompenous n'anons conserué la iustice, nous vou-tenter

lons que le tout soit amendé par le iugement de vous & de voz deputez. Car si nous qui deuons corriger les fautes d'autruy, en commettons de pires: certes nous ne serons pas disciples de verité, mais (ce que nous disons auec douleur) nous serons par dessus les autres ministres de l'erreur. Partant nous implorons vostre clemence, à ce que pour s'informer de ce qui a esté dit cy dessus, vous enuoyez des personnès, lesquelles sur toutes choses craignent Dieu, en facent une exacte perquisition de tout, comme si vostre Maier stè imperiale y estoit présente.

Mais d'autant que ledit Gregoire est totalement possedé par les ennemis de cest Estat, ie ne puis esperer aucun sruict du voyage que seront vers luy lesdicts Prelats au contraire ils seront accusez de temerité, presomption & arrogance, d'auoir ozé prononcer cotre leur superieur, qui a droict de iuger vn chacun, & ne peut estre iugé par autruy. On leur dira dauantage, qu'il ne leur a esté loisible de s'assembler sans l'authorité du Pape, auquel seul & non au Roys, appartient d'indire assemblees de Clergé, pour auiser à

la police & discipline Ecclesiastique, estant l'Empire diusé entre les Princes de la terre, & luy qui a pour son partage le Ciel, c'est à dire pleine puissance & iurisdiction, tant temporelle que spirituelle, sur les personnes Ecclesiastiques, & eux la simple intendance & iurisdictio temporelle sur les subiets laiz : encores dira-l'on, qu'ils ont puissance non seulement du glaiue spirituel, mais aussi du temporel sur les Roys & leurs Royaumes, suyuant la constitution de Boniface, dont il a esté parlé cy dessus. Or combien que ce qui a esté deduit par cy deuant, puisse suffire pour responce à ces fauces, vaines & imaginaires presuppositions, toutesfois il me semble n'estre hors de propos d'en discourir plus amplement, & par melme moyen parler sommairement des droicts de la France, & libertez de l'Eglise Gallicane.

Il n'y a personne qui ne sçache quelle est la charge, l'authorité & la puissance des Roys & Princes souucrains, lesquels Dieu a esseuez sur la terre, pour estre co-servateurs & intendans generaux du bié,

repos & vtilité publique, sans que nul de ceux qui viuent soubs eux, se puisse pretendre exempt de leur sur-intendence & sur-veillance, de quelque estat, qualité & condition qu'il puisse estre : voire d'autat plus aucuns de leurs subiets, à cause de leur rang, degré & function, sont vtiles & necessaires pour la conservation du repos des autres, plus il touche aux Roys en ladite qualité d'Architectes generaux, de bander leur soing & sur-veillance sur cux, & auoir l'œil ouuert sans cesse, à ce que faisans dignement leurs charges, ils facent entierement reiissir leur talent, au bien, repos & vtilité publique. Or comme ainsi soit que de toutes les functions feruantes à vn Estat, la plus digne, vtile & necessaire, soit celle des Ecclesiastiques, qui ont charge de conduire les peuples, à la felicité terrienne & celeste, il sensuit que plus sur ceste qualité de personnes, que sur nuls autres, les Roys, Princes & Magistrats souuerains, doinent veiller & faire garde tres-exacte. Ce n'est point pour cela que ie vueille dire ce qu'aucus ont trop indistinctement proferé, que

lesdits Roys & Princes souuerains, soient en leurs Estats prinatinement à tous autres, Chefs vniques & absoluts de l'Eglise,& de tous les Ministres d'icelle : car pour le regard de ce qui concerne le maniement des choses purement sacrees, comme l'administration de la parole de Dieu & des sacremens, & la puissance de lier ou deslier, voire de regler en particulier le dedans de chacune Eglise, la surintendance en appartient aux Euesques, & autres Chefs de la Hierarchie Ecclefiastique, à chacun selon leur rang & degré. Mais tout ainsi qu'au maistre Architecte & entrepreneur d'vn edifice, il n'appartient point de manier les vstils, ny donner les loix & preceptes aux ouuriers, selon lesquels ils les manieront, ils laissent cela à chacun d'eux en particulier, & en general aux maistres iurez de chacun art: ce qu'ils doivent faire, c'est de donner la loy à tous ensemble, les guider, regir & controller, à ce qu'vsans tous auec diligence & loyauté, de l'industrie que leur apprend leur mestier, ils apportent de bonne foy, ce qui est en

I iij

eux, à l'eleuement & aduancement de l'edifice, selon les proportions & allignemens qui leur sont donnez. Ainsi aux Roys Architectes, generaux comme i'ay dit, du repos commun, & pour tels recognuz par tous les sages qui en ont escrit, il n'appartient point de manier les choses sacrees, ny supporter, comme l'on dit, l'arche d'alliance, ils doiuent laisser cela à ceux de la vacation, mais ils peuuent, voire sont tenuz deuant Dieu, veiller sans cesse, & auoir l'œil ouuert à ce que ceux de cest ordre & profession principale, aussi bié que ceux des autres moindres, apportent en loyauté & saine conscience, tout soing, diligence, pureté & sincerité, au maniement des charges à eux commises, conformément à leurs loix, reigles & canons: lesquels au cas qu'ils seroient negligez & esfacez par la rouille de l'atiquité, ou que pour la malice des hommes, il fut besoing d'en faire de nouueaux, ils sont tenuz vser de leur puissance, pour y apporter remedes conuenables, soit par Synodes assemblez de leur authorité, soit par leurs ordonnan-

ces & pragmatiques, soit par leurs iugemens, arrests & executions d'iceux. C'est ce qu'en France noz predecesseurs ont tousiours appellé la police exterieure sur l'Eglise, de laquelle les Empereurs, Roys & Princes ont vsé & iouy sans contredit, tant que l'Eglise fest conseruce en sa pureté, & qu'aucuns d'icelle ne se sont ingerez fortans de leurs bornes & limites, d'vsurper les functions Royales. C'est ce qu'il nous est enseigné par les canons, qui disent que Les Princes seculiers souvent en l'Eglise, exercent la puissance qui leur est attribuee, à fin que par icelle ils conseruent la discipline Ecclesiastique, & ce que les Prestres ne peuvent par leurs parolles & doctrine, la puissance seculiere le commande par la terreur de la discipline.

ca.principes scculi &
ca. administratores 23.
qu.5.

Pour plus ample preuue de cela, nous pouvons amener vne infinité d'exemples de l'antiquité. Car c'est chose toute notoire, que depuis que les Empereurs sur rent devenuz Chrestiens, insques au declin de l'Empire, ils se sont tousiours maintenuz & conservez en la possession, d'auoir l'intendance iurisdiction & poli-

ce exterieure sur l'Eglise, aux ministres & instrumens de laquelle, laissant ce qui estoit de leur vacation, sçauoir est le maniement des choses purement sacrees, au parsus, come Architectes generaux, ils tenoiet la main, à ce que les dits Ecclesiastiques s'acquittans dignement de leurs charges, & se cotenas das les bornes d'icelles, sans se detracquer ny eniamber les vns fur les autres, ny aucus d'eux fur l'authorité des Magistrats, ils apportassent ce que chacun d'eux deuoit pour sa part, à l'entretié de la societé ciuile, maintenüe fur tout, par l'obeissance deue aux Magistrats, ensemble à l'auacemet de l'honeur de Dieu & de son Eglise, excluas d'icelle à ceste fin, toutes nouveautez, corruptelles & entreprises vniques. Et pour cet effect, conuoquans ou faisans conuoquer en temps d'heresies des Conciles generaux de demy an en demy an, à tout le moins des nationaux ou prouinciaux, pour sacler les maluersations & coustumes vicieuses, qui par le temps couloient en l'Eglise. Ausquels Conciles principalement generaux, ils assistoient en personnes,

sonnes, ou faisoient assister leurs principaux officiers, qu'ils appelloient iudices gloriosissimos, pource qu'à eux touchoit de tenir la main, à ce que toutes choses y allassent bien, sans brigues, violence, tyrannie ou faueur. Que si aucuns pour auoir delinqué ou peché contre le deuoir de leurs charges, meritoient estre chastiez, reformez ou deposez, ils tenoiet la main à ce qu'il y fut pourueu par les Prelats, & en cas de conniuence ou negligence, ils y faisoient pourueoir ou y pouruoioient eux mesmes, assemblans à ceste fin, ou faisans assembler lesdits Synodes, ou renans eux mesmes des pragmatiques, esquelles par auis des Prelats & officiers de leurs Empires, estoit remedié à toutes desformitez & corruptelles, & les choses remises en leur estat, tant, par bonnes loix & constitutions, que par iugemens graves & finceres:tenans aussi la main à ce qu'aux eslections des charges Ecclesiastiques, mesme de la supreme de toutes, il fut procedé en toute sincerité & liberté, à ce presens & assistans leurs principaux officiers, & icelles eslections confirmoient & infirmoient, selon qu'ils iugeoient le deuoir faire. Mais sur tout pouruoyoiet à ce que l'auarice ou intemperance d'aucuns particuliers, n'introduisif quelques monstres ou corruptelles en l'Eglise, & à ce qu'aucuns par ambition, orgueil ou autre cupidité, ne s'attribuassent plus d'authorité qu'ils ne deuoient auoir, entreprinssent sur les charges les vns des autres, ou sur celles des Magistrats laiz, ains que suyuant le precepte diuin, chacun se continst en son deuoir, auec modestie, continence & humilité, laissant à Cesar ce qui estoit à Cesar, & à Dieu ce qui estoit à Dieu.

Ce que dessus se peut clairement verisser, non seulement par les anciens Cociles, que nous voyons auoir esté indits par les Empereurs, & ausquels ils ont preside, & par les histoires Ecclesiastiques, mais aussi par le droict ciuil & canon. Car nous voyons le Code de Iustinia & ses nouvelles remplis de plusieurs loix & constitutions faites pour la police & discipline Ecclesiastique, & principalement les quinze ou vingts premiers til-

tres du premier liure dudit Code, & les nouvelles 3.5.6.16.46.56.57.58.59. 67.883. La plus part desquelles loix & constitutions, tant de Iustinian que des autres Empereurs, sont approuuées par les Papes, & inferées au grand decret, ou come on dit communement canonisees, & encores la nouvelle dudict Iustinian, cassi quis 2 3. par laquelle il deffendoit aux Eues- cum cleques & autres, d'excommunier person-qu. 3. ne auparauant que la cause de l'excommunication fut aprouuee & verifiee, adioustant que si aucun estoit si hardy d'excommunier autrement, l'excommunié feroit absouls, & l'excommuniant excommunié luy mesmes : laquelle loy est approuuee par le canon de illicita 2 4 qu. 3. Et en la 5 3. dist. le Pape Gregoire le grand, mande aux Euesques d'Italie, de garder inuiolablement la loy faicte par l'Empereur Maurice, par laquelle il deffendoit de receuoir les soldats & les coptables à estre clercs ou moynes,&par le canon principali 65 dist de l'ordonnance de l'Empereur, certains particuliers ont esté promeuz aux ordres sacrez. Mais ce

qui est encores plus remarquable, c'est que l'Empereur Honorius à l'instance & priere du Pape Boniface, sit deux loix, par la premiere desquelles, sut ordonné qu'à l'aduenir les Papes ne seroient creez par ambition: & par l'autre, que si deux sont creez à vn coup par brigues, en ce cas ny I'vn ny l'autre ne demeurera Pape, mais fera procedé à nouuelle eslection, comme il appert par le cano Ecclesia: & le ca. victor 97. distinct. & par le ca. si duo, 79 · distinct. Et par le ca.satagendum 25.qu. 1. le Pape Pelagius pour se purger du soupçon d'heresie enuers le Roy Childebert, Juy rend compte de la foy, recognoissant que les escriptures sainctes luy commandent d'obeir aux Princes souuerains. Et ne sert que la glose contraire au texte, dit que les Papes ne sont subjets aux Roys, que pour le payement des tributs : car il n'estoit point question de tributs, mais seulement de se purger du crime d'herefie.

Tel donc a esté aux premiers temps le soin des Empereurs sur l'Eglise, tel le reiglement entre le pouvoir des Princes &

Magistrars seculiers, & des personnes Ecclesiastiques. Quoy estant la sincerité de l'Eglise, & par consequent le bien & repos public, se sont heureusement conseruez, sans que par troubles semblables aux nostres, ou autres dereglemens quelconques, prouenans pour la pluspart du mespris & mauuaise intelligéce des subiets vers leurs superieurs, ils se soiet veuz en rien alterez, bien qu'assez d'occasions s'en offrissent, veu les heresies & opinios differențes qui lors tranailloiet la Chrestienté. Depuis que par les inondations de l'Europe par plusieurs nations estrangeres, comme Gots, Vandales, Hongres Sueues, Bourguignons, Fraçois & Lombards, l'Empire vint à se desmembrer, & principalement l'Italie, dont la pluspart se soubstrahit des Empereurs, ce nerf de l'vnion publique, qui iusques alors auoit contenu toutes sortes de subiets, de quelque condition qu'ils fussent, soubs le gouuernement d'vn seul chef, commença bien fort à se lascher, d'autant que les Euesques de Rome, qui au precedent sestoient contentez d'auoir obtenu, non

sans tref-grande peine & contradiction, la preseance & superiorité sur tous les autres Euesques d'Occident, commécerent à l'occasion desdites divisions & troubles, à monter plus hault qu'auparauat:ce qui leur fut facile d'obtenir, pource que quat à la ville de Rome, & la plus part de l'Italie (estant lors la domination d'icelle continuellement debatüe & agitee entre ces nations estranges, qui s'entrechassoient les vns apres les autres, & n'osoient neantmoins ceux d'entre eux qui en emportoient le dessus, farrester seurement dedans la ville de Rome, à cause de sa foiblesse exposee à l'iniure de quiconque tiendroit la campagne, telle ment que les Papes seuls y residoient sans en bouger, pour quelque changement qui y aduint, pour ce qu'à cause de la reputation tref-grande, que leur acqueroit leur saincteté apparête, ils estoiet respectez mesmes par les barbares) peu à peu il aduint que lesdits Papes facquiret sur ladite ville, & par succession de temps sur les enuirons d'icelle, rant de credit, pouvoir & authorité, que soit par bien,

seance ou par droict de deserence ils s'en firent à la longue recognoistre pour Seigneurs & Maistres. Et pour le regard des autres Estats & pays, tant de l'Italie que du reste de la Chrestienté, estans diuisez entre plusieurs Roys & Princes, & ne restant plus d'Empereur vnique sur le tout, qui seul peust retenir la police & surintendance vniuerselle sur l'Eglise(ce qui neantmoins estoit juge necessaire, soit qu'vn Prince lay l'eust ou vn Ecclesiastique, à fin de maintenir l'vnion de l'Eglise fouz vn chef, & empescher que souz plusieurs, elle ne sut diuisee en diuers scismes/les seuls Papes, comme les plus eminens de tous les Prelats Ecclesiastiques, se trouuerent plus propres que nuls autres à occuper ceste place de chef, & par ce moyen supplanterent vne partie de l'authorité que les Empereurs auoient eu fur l'Eglise, & en frustrerent facilement les autres Princes laiz & Potentats: sur lesquels ayans emporté cest auantage tout à coup, peu à peu ils en gaignerent assez d'autres, pour ce que s'estans à cause de la multitude & diversité desdits.

Princes, engendré auec le temps, plusieurs diuisions entre iceux Princes, il fut tres-facile ausdits Papes, pour la grande creance que peu à peu ils acquirent, tant à cause de leur saincteté exterieure & apparente, que pour le pouuoir qu'ils auoient sur les consciences des hommes, de se rendre iuges, arbitres & determinateurs de leurs differens, faisans tomber, la pluspart du temps, le droict ou le tort, la victoire ou la ruine, de telle part que bon leur sembloit, pour l'assistance qu'ils se faisoient faire par les Princes & peuples Chrestiens, souz couleur de pieté & de religion: dont peu à peu ils se redirent formidables, & acquirent vne trefgrande puissance, pource que comprans pour tiltres infaillibles,& actes de possessions irrefragables, tout ce qu'on leur auoit deferé volontairement, & ce qu'àla priere & suscitation des vns ou des autres, ils auoient oncques entreprins, embrassé, geré, negotié, conseillé, composé, decidé ou jugé entre divers Princes, peuples ou personnes, fut en affaires temporelles ou spirituelles, & de tous les exemples

ples qu'ils en auoient soigneusement ramassé, en ayans recueilly des maximes & loix generales, ils en bastirent en sin vn Empire absolut, & de simples arbitres, amiables compositeurs, peres communs, surueillans, & exhortateurs qu'ils sestoiet portez du commencement, ils deuindret non seulement primats de toute l'Eglise, mais pied à pied Euesques vniuersels, ne tenas les particuliers q pour leurs vicaires & lieutenans, se miret au dessus de toutes los loix, canons & Conciles, non subiers à reprehension ou correction, & en brief establirent leur puissance purement abfolüe, & non subjette aux loix, non seulement sur le temporel de l'Eglise, mais sur les Monarchies, Empires, Royaumes, & autres Estats de la Chrestienté, dont ils se qualifierent fondateurs, collateurs & inuestiteurs & pour comble de tout Lieutenans icy bas, & vicaires absoluts de Dieu sans restriction, pour les choses tant du ciel que de la terre. Pour à quoy paruenir, ils furent sur tout aydez par la reduction au Christianisme de plusieurs tref-grandes & tref-puissantes nations,

comme de l'Allemagne, Pologne, Hongrie, Suede, Danemarch, Angleterre, Bulgarie, & le recouurement de l'Espagne, Portugal, Sicile, Naples, Corfe, Sardaigne & autres pays, de l'oppression des Sarrazins, lesquels estans aduenuz enuiron le mesme temps que les Papes establissoient peu à peu pour leur grandeur, ces maximes & tiltres auantageux, auec resolutio de sen faire croire, en mesure que ces peuples entendoient à se couertir à la vraye foy, & qu'ils en goustoiet le premier laict, les Papes diligens à telles choses leur enuoyoient des Legats & Nunces, qui leur faisoient auec la pieté fuccer leurs maximes & tiltres (comme ils font maintenant à ceux des Indes) dot il leur estoit mal-aisé se deffendre, en ce premier aage & tendresse, & lors qu'ils estoient encores Neophiles, & par consequent ignorans du droict Chrestien, estably par les canons & Conciles, & qu'il ny auoit aucun moyen de les conseiller & redresser au contraire, estant pour lors manque, tary & defailly, le seul vray & legitime remede contre telles entreprinses & vsurpations: qui eust este la tenüe des Conciles generaux, pour ce que n'y ayant plus d'Empereurs vniuersels, ains plusieurs Roys qui tiroient les vns d'vn costé, les autres de l'autre, il ne restoit pour cet effect que les Papes mesmes qui se gardoient bien d'ouurir les Conciles: dont il aduint que ces nations nourries en leurs premiers aages, en ces maximes confortatiues de la dominatio absolüe des Papes, en mesure qu'elles croissoient en la creance & foy Chrestië. ne deuenoient non seulement tres-obeisfantes, & du tout esclaues au siege Papal, mais vrais arcs-boutans, réparts & champions de leur domination & puissance absolüe, contre quiconque y eust osé cotredire.

Tels ont esté les moyens en general, auec lesquels la puissance des Papes est montee au degré où on la voit. Car quant aux moyens qu'ils ont tenu en particulier, il seroit trop long de les reciter. Il me sussir d'en raconter d'infinis vn ou deux, ou trois au plus, qui ont frappé les plus grands coups & plus signalez. L'vn des

premiers fut la division & mauuais mesnage, d'entre l'Empereur Grec Phocas & ses subjets, pour la trahison & meurtre par luy commis, sur l'Empereur Maurice fon maistre, occasion pour laquelle se voyant abhorré de la pluspart de ses subiets, à fin d'estre supporté contre eux par sain& Gregoire, grand ennemy dudict desfunct, & depuis par le Pape Boniface fon successeur, & obliger lesdits deux Papes à deffendre & soustenir sa cause, il leur adiugea ce nom venerable de Papes prinatinement à tous autres Euesques, encores qu'au parauant il eust esté commun à tous, ensemble la preseance sur les Patriarches de Constantinople, qui leur auoit esté fort long temps debatüe, & la qualité & tiltre d'vniuersels, laquelle neantmoins il accorda quant & quant ausdits Patriarches de Constantinople, à fin de ne les perdre du tout, & de leur oster en partie occasion de se plaindre.

L'autresecond coup, fut la donation pretendüe saité par Haribert Roy des Lombards enuiron l'annee 700 au Pape Gregoire deuxiesme, des pays de la riuie.

re de Gennes, depuis confirmee & ratifiee par Luisprant, l'vn de ses successeurs: qui fut la premiere domination terrienne, dont il se lit que les Euesques de Rome ayent oncques esté vestus & saiss, par le moyen de laquelle, & de la consequence qu'elle apporta, pour plusieurs acquisitions semblables, qui peu apres sen ensuyuiret, les Papes successeurs, ainsi qu'escript vn de leurs grands flateurs Goncalo de Illescas, historien Espagnol, commencerent à senhardir, de conforter, & faire espaule par les armes & forces téporelles, à leurs foudres spirituels, c'est à dire à leurs excommunications & interdictions, qui iusques à lors, dit le mesme autheur, à cause qu'elles ne tiroient point de sang, auoient esté foibles & mesprisees.Ce qui apparut bien tost apres : car Gregoire troisiesme son successeur immediat, comméça le premier de tous les Papes, à oser darder la premiere excommunication majeure& interdiction, dont oneques l'Eglise ait osé vser contre les Empereurs ou autres Princes. Ce fut celle qu'en l'ance 716. il fefforça (bie qu'en

L iij

vain toutesfois, comme il a esté dit cy dessus) de fulminer contre l'Empereur Leon Iconomaque, qu'il declara interdit & priué de ses Estats, dont les Grecs subiets dudit Empereur se mocqueret. Mais quant audit Pape, il se sceut tres-bien preualoir de ce pretexte d'interdiction, pour les pays qui estoiet en sa bien-seance : entre autres lá Romagne & Rauenne: car il les partagea, indignement (luy qui auoit esté iuge & partie) auec le Roy des Lombards. Au moyen dequoy il vestit des esprits,& vne hardiesse encore plus grande, & iusques à lors inouye en la Chrestienté, du tout contraire à l'humilité des Apostres. C'est que luy premier de tous ses deuanciers, entreprinst de desguainer le cousteau, & manier les armes temporelles, dont il commença son coup d'esfay, fur la ville & Chasteau de Cumes, appartenans au Duc de Beneuent, qu'il enleua sur luy par forces d'armes, auec grad meurtre & occision de personnes. Depuis lequel temps, croissant à veue d'œil, & de iour en iour, l'authorité, terreur & puissance de ce Pape, & de ses autres successeurs, ores par donations qu'ils se faisoient faire, ores par coquestes des Estats d'autruy, ores par le maniement de leurs glaiues spirituels, & tenans par moyens extraordinaires, non seulement toute l'Italie, mais tous les autres païs de la Chrestienté en division & combustion, ils se sont leuez peu à peu, en ce haut degré, tant au temporel qu'au spirituel, auquel nous les voyon sauiourd'huy: iusques là, qu'apres auoir diuisé par vne guerre, qu'ils ont maintenue quasi continuelle par l'espace de trois ces ans cotre les Empereurs d'Occident, l'Italie & l'Allemagne, & infinies petites dominations, & auoir chassé dudit pays d'Italie, non seulement lesdits Empereurs, mais tous autres qui leur pouuoient faire teste, voire du tout aneaty les Empires tant d'Orient que d'Occident, l'vn estant rendu esclaue des infideles, & l'autre esparpillé en tant de petites seigneuries, que l'Empereur n'y est plus, que comme vn o en chiffre, & vn ombre vaine de dignité, ils ont mis toutes choses tellement souz leurs pieds, qu'au moindre Pape depuis deux cens

ans en çà, qui ait eu loisir de regner trois ou quatre ans, il a esté facile d'acquerir pour ses nepueuz ou autres parens, comme par effect tous les Papes ont quasi acquis, vne ou plusieurs souuerainetez en Italie, soit par en deietter les vrais & legitimes proprietaires auec armes ou par argent, ou par opprimer & assubietrir aucunes Republiques, sestans d'ailleurs de tous les Royaumes de la Chrestienté, trouué peu ou point du tout, ausquels ils n'ayent imprimé les marques de leur superiorité & domination, soit en les mettant soubs leur tribut & recognoissance, ou les rendans pour le regard du spirituel, voire en plusieurs points du temporel, pays de leur obeissance.

La seule Frace quasi de toute la Chrestienté, sest un bien sort long temps conseruee en la liberté Ecclesiastique, dont le reste du monde jouyssoit du temps de ces premiers Empereurs: & pour ceste occasion à sa différence, & de ce que seule entre toutes les autres nations, elle maintenoit ce qu'on appelle de tout téps les libertez de l'Eglise Gallicane, à l'exé-

ple de celles de l'Eglise Affricaine, dont il est parlé en l'Epistre Synodale du Cōcile de Carthage sixiesme, on a appellé les autres Estats & Royaumes, pays d'obedience, pource qu'ils ont laissé perdre peu à peu les libertez de leurs Eglises, par les moyens que nous auons dit : les vnes pource que lors qu'elles estoient encores Neophiles, elles ont prins tel ioug, qu'il a pleu aux Papes, les autres pour auoir esté asseruies par leurs armes & forces temporelles, ou d'aucuns Princes qui leur auroient assisté, les autres pour ce que cedas à leurs fouldres spirituels, ausquels ils n'auoient osé ou peu resister, ils se seroient laissez subiuguer: & les autres pource qu'afin d'estre portez & secouruz par lesdits Papes, contre aucuns leurs ennemis plus forts qu'eux, ils auroiet faict le traict du cheual d'Horace, ils se seroient mis foubs leur protection, voire subjection & domination.

La liberté de la seule Eglise Gallicane, par quel moyen elle sest tres-longuement maintenüe, & quels essects elle a engendré, il seroit trop long à le discou-

M

rir: ie me contenteray de dire en brief, que sestans noz Roys tousiours maintenuz en vne puissance tres-solide & entiere,tant par la force de leurs armes, que par la bien-veillance de leurs subiers, & par la bonne constitution de leurs loix & polices, soigneusement maintenües par leurs Parlemens, il a esté tres-long temps difficile aux Papes, quelques efforts qu'ils avent apporté, quelques censures & excommunications dont ils ayent menacé, foit noz Roys, les Prelats ou les Officiers du Royaume, d'entamer quelque chose sur l'ancienne liberté, tant de l'Église que de la Coronne, qui s'est trouuee tellemet florissante durant la premiere, & le commencement de la deuxiesme race, que les Roys toutes & quantes fois qu'ils ont trouné estre necessaire, ont indict & assemblé de leur authorité des Conciles, ausquels ils ont preside ou faict presider qui bon leur a semblé, soit pour y resoudre des points & articles de foy, soit pour y establir des decrets & reglemens sur les choses & personnes Ecclesiastiques, mesmes chastier & priuer ceux qui auoient

failly. Le premier desdits Cociles sur celebré à Orleans, par le commandement du Roy Clouis, auquel assisterent trente trois Énesques, & y furent faits trente trois canons, quasi tous inserez au grand decret, & sont tout au log à la fin du premier tome des Cociles. Charlesmagne en fit celebrer cinq, le premier à Magonce, le deuxiesme à Rouën, le troissesme à Rheims, le quatriesme à Chalos sur Saone, & le cinquiesme à Arles: & Loys le Piteux vn à Aix en Prouence, où il deffendit aux Euefques & autres personnes Ecclesiastiques, de porter robbes de soye, comme recite Platine en la vie de Gregoire quatriesme. Et oultre lesdits Roys Charlesmagne, Loys le Piteux & Lothaire, establirent plusieurs ordonnances & loix Ecclesiastiques, tant sur la doctrine Chrestienne & sacremens, que sur les personnes Ecclesiastiques & Euesques Ca. decapitulis 10.

(qui se trouuent encores auiourd'huy, & dist. sont intitulees les capitulaires) ausquelles Leon quatriesme, par son Epistre escripte audit Roy Lotaire, inseree au grad decret, promit d'obeir, & icelles faire in-

ca . Adrianus 63. dift.

uiolablement garder & obseruer. Ont aussi nosdits Roys tenu la main à l'essection des Euesques, Abbez & autres Prelats,& mesmemet les Papes, qu'ils ont eu droict d'eslire, comme il appert no seulement par noz histoires, mais aussi par les canos, ont fait receuoir ou rejetter selon que leur Clergé, leurs Parlemens ou leur Conseil l'ont trouué raisonnable, les decrets, canons & Epistres decretales des Papes, & les Conciles tenuz hors de Fráce, ont condamné les vsurpations & entreprinses de la Cour de Rome, tant sur l'authorité de leurs Magistrats & officiers, que sur le temporel de l'Eglise, les imposts, subsides, decimes & autres deuoirs, tant sur le Clergé, qu'autres personnes layes, comme les croisades, collectes de despouilles des beneficiers decedez, legitimations, creations d'officiers, qu'aussi sur le spirituel, come les excommunications venantes de Rome; les enuoys des Legats en France, sans le congé & permission des Roys, entreprinses de iurisdiction sur les ordinaires, fust extra partes, ou autrement, collations tant de

benefices electifs en tout cas, que de collatifs par preuention, ou autremet à l'exclusion des ordinaires, vnions indeues, translations, desmembremens ou erections d'Eueschez, impositions d'annates, ou autres charges & deuoirs exceffifs, dispenses & autres concessions faites hors des cas de droict, & compositions prinses pour icelles, pensions sur Eueschez, cures & autres benefices ayans charge d'ames, à quelques sommes qu'elles puissent monter, & sur autres benefices excedans le tiers, suyuant les coustumes de la France, reserues, mandats de prouidendo, graces expectatives, coadiutorries, reservations de certains mois, prouisions portans clauses anteferri, ou autres semblables entreprinses sur les patrons laiz ou Ecclesiastiques, concessions derogeas à la pragmatique, cocordat, & aux privileges des voiversitez, ou autres corps, commutations de testamens ou fondations, introductions de nouveaux ordres & colleges, exemptios octrovees à personnes quelsconques de la jurisdictio ordinaire, & en general toutes clauses & concessions, portans contrauention aux Conciles generaux ou particuliers, saincts canons ou decrets anciens, pragmatiques, ordonnances, arrests, Coustumes & droicts du Royaume.

Et quant aux effects que telles libertez ont engedré, il nous suffira pour cest heure d'é deduire deux tat seulemét, d'vn nobre infiny qu'o en pourroit reciter. C'est que tant que lesdites libertez ont esté pleinement conseruees, ce qu'vn ancien a iadis prononcé a tousiours eu lieu, Semper Gallia caruit monstris, il ne sy est veu aucune heresie, pource que la pureté de la discipline, & la saincteré des Ministres de l'Eglise, se conseruans par le moyen desdites libertez, & de la sur-veillance des Roys, sur l'ordre Ecclessastique les en chassoit. L'autre que par le moyen aussi d'icelles libertez, les personnes Ecclesiastiques estans retenües soubs l'authorité, correction, & planiere disposition de l'Eglise Gallicane, c'est à dire ne sortans du Royaume, pour aller chercher leur superieur, sinon en certains cas fort rares, il n'est point aduenu ce qu'on a veu depuis aduenir, & dont procede auiourd'huy le fonds de noz maux, que ceux de l'ordre Ecclesiastique, plus puissant en effect que les deux autres ensemble, par le moyen tant de la clef des consciences, que de l'eloquence & droict de prescher en public, estant commandé & manié à baguetté par les Papes, ait esté cause toutes & quantes fois qu'il auroit pleu aus. dits Papes, d'attirer toute la France soubs leur obeissance, par ces deux cordelles inuisibles de conscience & persuasion, & en ce faisant les contraindre au plaisir & vouloir desdits Papes, de changer leur Roy legitime & naturel, à tel autre vsurpateur que bon leur sembleroit, tantost à vn vieil Cardinal, ou plustost à vn Duc de Guise, tantost à vn Duc de Sauoye ou de Lorraine, & tantost à vn Espagnol, qui rendroit la France colonie des Maures & Indiens, & la manieroit à la Flamende ou Portugoise, coupperoit peu à peu les testes des pauots, c'est à dire des personnes nobles & genercuses, & le reste du vil & abiect populace, les feroit passer par bastellees aux Indes, pour y fouiller les mines & pescher des perles.

Tels donc que nous auons dit, ont esté pour vn tres-long temps, les effects de l'authorité entiere de noz Roys, & des libertez de l'Eglise Gallicane, tant que pleinement elles ont esté maintenües,& ont les François tant que cela a duré, eu ce bien que de se rendre spectacteurs oisifs des miseres & calamitez des autres Estats, ruinez pour la pluspart par le faict des Papes, comme entre autres la Grece, l'Italie, l'Allemagne, l'Angleterre,la Sicile,le Portugal,& vne bone partie de l'Espagne, Nauarre, Boësme, & tout l'Orient, & en general quasi toutes les autres nations & Estats, parties desquels ont esté dissipez ou asseruis par les Papes, ou par d'autres à leur appetit, ou abandonnez à la proye des infideles, à faute du secours des autres Princes Chrestiens, empeschez par des guerres intestines, nourries entre eux par lesdits Papes. La France seule parmy tant de ruines & mutations, festant tellement conseruce, que de tous les Royaumes du monde, il n'y en a aucun si ancien de la moitié,

moitié, c'est à diré qui se soit tousiours maintenu en son entier, sans auoir changé de loix, & forme d'establissement & de police.

Ce n'est pas pour cela que ie vueille dire, que les Papes n'ayent souuet eniambé & entreprins, tant sur l'authorité de noz loix, que sur les libertez de nostre Eglise: lesquelles encores telles que nous les auons auiourd'huy, sont grandement decheües & abastardies, au pris de ce qu'elles ont esté par le passé. Mais cela fest fait auec tant de resistance & difficulté, & par fois en mesure que nous auons eu des Roys plus actifs & plus courageux les vns que les autres, les libertez vsurpces par les Papes, ont esté tellement par eux recouuertes, & lesdits Papes tellement recongnez dedans leurs bornes & limites, qu'au pris des autres pays & Estats, le nostre a tousiours rapporté ce tiltre, d'estre nommé pays de liberté, au lieu des autres pays d'obedience.La premiere & plus notable entreprinse qui se trouue auoir esté faite par lesdits Papes, sur la France & libertez d'icelle, sur celle

N

du temps de Zacharie, lors que les Seigneurs du Royaume, gaignez par Pepin fils de Martel, ne cherchas qu'vn pretexte tel quel, pour faire ce à quoy en tout cas, ils estoiet resolus, demaderet coseil à ce Pape, fils deuoiet deposseder leur Roy legitime, pour sa faineantise & nonchalance,& transferer l'Estat à vn plus capable. Car encores qu'en cet acte ce ne fut qu'vn conseil demandé, & vn masque de liberation de scrupule de conscience emprunté, desquels le resus ou permissió ne pouuoient rien plus ou moins operer, veu qu'en tout cas, le conseil estoit prins de passer oultre, si est-ce que les Papes (qui visans incessamment à leur grandeur, n'ont iamais rien laissé tomber en terre de ce qu'ils ont estimé pouvoir faire à l'accroissement & amplification d'icelle) prenans cet acte pour vn tiltre & possession paisible, commencerent par là à s'en vouloir faire croire pour l'aduenir, & se persuader que ce qui iusques à lors leur auoit esté desnié mesmement en France, qu'ils fussent Euesques vniuer sels, & eussent droict d'entreprendre sur

les functions des Euesques particuliers, commençoit à leur estre re cogneu, en ce qu'on leur accordoit le pouuoir de dispenser & absouldre les François (estans notoirement hors leur diocese de Rome) du serment de fidelité enuers leur Roy. Et ce qui encores esleua lesdits Papes plus haut, fut ce que peu apres le mesme Pepin, & depuis luy, son fils Charlesmagne, se firent oindre, sacrer & coronner par lesdits Papes, non seulement Roys de France & de Lombardie, mais aussi Empereurs d'Occident, apres que Leon Pape eust erigé exprez ledict Empire, & iceluy desmembré d'auec celuy d'Orient: chose toutesois où il auoit aussi peu de pouuoir, qu'à donner lesdits Royaumes de France & de Lombardie, & qui dependoit de la seule force & espee dudict Charles - magne. Mais pour cela lesdits Papes ne laisserent de prendre & conter lesdits actes de possession, pour tiltres probatifs de la toute puissance, que depuis ils se sont voulu attribuer, de pouvoir eriger, donner & oster les Empires & Royaumes, & de n'y receuoir

M ij

que qui bon leur sembleroit, par le moyé de l'onction & coronation, qu'ils ont soustenu dependre d'eux, ou en leur absence des Euesques leurs subiets, soubs ombre qu'aucuns de leurs deuanciers, abusans de la deuotion & scrupulosité d'aucuns Roys ou Empereurs, leurs auroient mis en teste, à sin d'estre plus honorez par leurs peuples, & plus soustenuz par la grace de Dieu, de se faire oindre par eux ou par lesdits Euesques, à l'imitation des Roys de Iuda.

Vn autre poinct qui ayda lesdits Papes à empieter bien auant sur la France, surent les donations grandes & immenses, que leur sirent les mesmes Roys Pepin & Charlesmagne, & depuis eux Loys Debonnaire, de plusieurs contrees d'Italie, par le moyen desquelles, comme il a esté ia touché cy dessus, ils monterent de plus en plus en vn pouvoir Monarchicq, & senhardirent auec la force de leurs armes temporelles, qui devint par ce moyé redoutable, de desployer plus licentieusement que devant, & sescrimer à tort & à travers de leurs armes spirituelles, com-

me en moins de rien ils firent tres-bien sentir à la posterité, mesmes nosdits Roys qui leur auoient faict ces dons immenses. Ce fut lors que sur l'occasion de plusieurs grands troubles naiz, & qu'eux mesmes susciterent entre les enfans de l'Empereur Charlesmagne, entre Loys Debonnaire & ses enfans, entre Lotaire & ses freres, & entre Loys d'Allemagne & ses cousins, esquels les Euesques & grands du Royaume, se trouuoient enueloppez & diuisez, les contendans ayans esté contraints de sen rapporter ausdicts Papes, comme arbitres, ils prindrent par là peu à peu subiect, de l'enhardir & mettre le nez plus auant, qu'ils n'auoient osé faire par le passé, dans les affaires & negoces de la France, y aller souuent ou y enuoier leurs Legats, pour soubs ombre d'y composer les affaires, y soufster le feu de division, & sefforcer, bien que tousiours en vain, d'y introduire & authoriser leurs excommunications & interdictios. Bref y semerent tellement la zizanie, tat entre les Princes les vns-contre les autres, qu'entre les Roys & leurs subsets,

que peu à peu par les troubles qu'ils susciterent, & l'inondation des Normans qui y furent appellez des vns à l'enuy des autres, cest Estat fust tellement affoibly, qu'outre la barbarie qui se mit auec le temps (vray moyen de disposer les esprits, & les rendre tables rases, pour receuoir telle impression, superstition, & tout ce qui leur eust esté enuoyé de Rome)les Roys deuindret si foibles & si bas, qu'il fut aisé ausdits Papes, d'obtenir ce q de long temps ils auoiet tousiours desseigné, d'arracher hors de leurs mains l'Empire, & le transferer à certains Bozons, Berengers & autres Italiens, qu'ils feroiet & deferoient comme bon leur sembleroit:empietans & gaignans ce pendant sur la France peu à peu, par le moyen de plusieurs allees & venües, qu'ils y faisoiet en personnes ou leurs Legats, quelques nouueaux droicts & prerogatiues derogeantes aux anciennes libertez, comme entre autres d'enuoyer le pallium aux Archeuesques, indire les Conciles en la France, & y presider, sans congé du Prince & de l'Eglise, retracter par appel, les

iugemens donnez és Synodes d'Euesques, entreprendre la confirmation ou consecration des Prelats, iceux preuenir aux collations des benefices, donnér difpenses contre les saincts canons, & faire tels autres actes portans entreprinses, tat sur le spirituel que temporel. Mais ce qui plus que nulle autre chose esleua le pouuoir excessif desdicts Papes, & establist leur Monarchie absolüe, sut l'occasion qui soffrit à Vrbain deuxiesme, en l'an 1095'.lequel festant à l'exemple de plusieurs ses deuanciers retiré en France, comme en son asyle ordinaire, pour se reuanger contre l'Empereur Hery troisiesme, qui l'auoit faict excommunier en vn Concile d'Allemagne, ensemble contre les traitemens rudes du Senat & peuple de Rome, qui pour lors irritez des mauuailes mœurs des Papes, les perfecutoit & dechassoit, il fut sollicité par Loys le Gros, fils du Roy Philippes premier, Prince tres-sage & tres-auisé, d'indire vn Concile vniuersel en Frace, & en iceluy, comme il estoit Prelat tres-eloquent, exciter la Noblesse tant Françoise qu'au-

tres, à se croiser pour la guerre saincte: à fin (car telle estoit l'intention dudict Loys le Gros) que par ces guerres & pellerinages, la France se déschargeast peu à peu d'infinis petits roitelets, & tyranneaux, introduits en icelle, & affermis depuis le temps de Charles le simple. Ceque sit le Pape Vrbain auec telle essicace, trouuant d'ailleurs l'humeur de la plus part des hommes de ce temps là, dispofee à faire ce voyage, qu'il incita non seulement les François, mais quasi toute l'Europe & l'Occident, à passer contre l'Asse & l'Orient:chose qui ayant pour le commencement assez heureusement succedé, esseua les Papes en telle creance & authorité, tant enuers la France, qu'enuers toutes les autres, nations de la Chrestienté, qu'outre qu'il leur fit vne planche infaillible, pour à l'aduenir, toutes & quantes fois que bon leur sembleroit, pouuoir librement publier des croisades & indulgences, non seulement contre les infideles, mais aussi contre tous Chrestiens qui soseroient opposer à leur grandeur, qu'à ceste seule occasion ils declareroient

declareroient heretiques. Les accidens qui d'ailleurs suruindrent encor de ceste guerre, leur accreuret beaucoup ple leur credit, pource que l'ignorance & la barbarie, qui ordinairement suyuent les grades guerres, festant lors de tout poinct establiz en la France, & encores dauantage la superstitió (qui n'est comme chacun sçait qu'vne peur feruile, de la iustice & vindicte divine) saississant les cœurs des plus scelerez, cela sur cause que ceste superstition meslee auec l'ignorance, qui festoit coulee aux ames de la pluspart de ces pellerins retournez de la guerre saincte, chargez de pechez monfrueux & abominables, dont les Leuantins les auroient imbuz, donna beau ieu aux Papes de ce temps l'a pour ce que les guerriers qui estoient toute la Noblesse de France, se trouuans confuz de plusieurs grands scrupules & inquierudes de conscience, à cause de l'enormité desdits pechez, & à ceste occasion tombez en la mesme ani xieré, que les malades, de maladies incurables, qui n'estimans les medecines ordinaires assez suffisantes pour les pouvoir

O

guairir & fauner, ont recours aux extraordinaires, c'est à dire n'estimas les penitences; prieres & propinations ordinalres, assez fortes pour lauer l'horreur de leursdits pechez, ils se laisserent aisement persuader & induire, à chercher des nouucaux & plus expres remedes que les ordináires; puisez de ce qu'on a depuis appelle la plenitude des threfors de l'Eglife, d'indulgences, pardons & planières remissions venans de Rome, auec dispenles de plusieurs grands vœus difficiles, voire impossibles, ausquels la pluspart d'eux festoient obligez & astraints, pour cuider effacer l'enormité de leurs fautes. Occasions lesquelles les Papes embraffâns auddement, & imitans les mauuais medecins; qui se sont donner par leurs malades, lors qu'ils sont au fort de leur malsfiget comme on dit en baillant baillant, c'est à dire en eschange de toutes ses graces spirituelles & indulgences, dont ils se voiviet si auidement recherchez, & qu'ils n'oublierent de faire valoir, ils obtindrent des Roys, Princes & Seigneurs Chreftiens, de tres-grands dons & auan-

tages, pareatis, authoritez, tiltres & actes approbatifs de leur puissance absolüe. Mais comme c'est chose qui iamais ne fault, qu'vn abisme attire tousiours l'autre, c'est à dire vn desordre d'autres defordres, ils abuserent si licentieusement de ce trop grand & effrené pouvoir, & introduisirent tant d'abuz & de difformations en l'Eglise, que les plus infirmes commencerent à sen scandaliser peu à peu, mesmement de ce que toutes choses tant sacrees que prophanes estoient venales, & de ce qu'on voyoit les vicaires de Iesus christ, plus souuent armez ou enuironnez de Satrapes, qu'en l'estat & forme des successeurs de sain & Pierre: chose qui fit aheurter plusieurs contre la pierre d'offence & de scandale, & douter pour le commencement de leur puissance, & puis pied à pied de la doctrine qu'ils prefchoient, tellement qu'ils deuindrent par succession de temps, Albigeois, Vaudois, Pauures de Lyon, Arnoldistes, Patariens, Turlupins & d'autres sectes & opinions semblables. Ce malheur deuoit estre vn enseignement sussificant aux Papes, pour

O ij

les faire r'entrer en leur ancienne modestie & saincteté, & rechercher les remedes ordinaires dont auoit vsé la primitiue Eglise, pour extirper les heresies : c'estoit d'indire des Conciles, pour y confuter les opinions faulces, par le glaiue tréchant de la parole de Dieu, & par mesme moyen ofter les pierres de scandale, & la difformation des mœurs des Ecclesiastiques. Mais telle n'estoit leur intention: car iertans au loing tels remedes Angeliques & du saince Esprit, ou pour le moins n'en vsaus que par fainte & mines, pource qu'ils ne craignoient rien tant que la reformation, ils eurent recoursaux remedes mondains, c'est à dire aux espees, cousteaux & seux. Ceste croisade qui auoit esté inuentee du commencement, pour mettre la Chrestienté en repos,& ietter la rage des gens de guerre de l'Europe sur l'Orient & le Paganisme, ils la mirent en ieu pour ceste sois là, à fin, disoiet ils, de ruiner l'heresie: mais en effect pour maintenir & augmenter leur puissance & grandeur. Ils armerent donc par le moyen d'icelle, toutes sortes de

personnes contre ces Albigeois heretiques, lesquelles remplirent le Languedoc & les frontières d'Espagne, de seu, de sang & de desolation, n'espargnans hommes, semmes & petits enfans, & aussi peu les innocens que les coulpables, perdans les ames auec les corps, faisans mourir sans consession & repentance plusieurs, dont la pluspart eussent esté facilement conuertis, si on eust voulu tant soit peu prendre peine d'y appliquer les bons & legitimes remedes.

Mais à fin de n'entrer plus auant aux abuz, desformitez & desordres qui se sont coulez en l'Eglise de Dieu, par les mauuais deportemens des principaux ministres d'icelle, & qui ont causé toutes les herestes, dont la Chrestienté a esté assisgee, depuis trois ou quatre cens ans continuellement, la souvenance desquels ne peut apporter qu'vn creue-cœur à tous les bons & vrais Catholiques, ie me contenteray retournant à mon premier propos, de dire que combien que les Papes par les moiens dessuscites libertez de l'Egli-

Roys, toutefois ils sont tousiours demeurez en ceste possession, de faire assembler le Clergé de France, toutes les fois que bon leur a semblé, pour auiser à la police & discipline Ecclesiastique: en possession eux & leurs Parlemens, de faire des loix, statuts, ordonnances, reglemens & arrests, touchant les choses Ecclesiastiques, & principalemet pour refrener les abus, excez, maluersations & entreprinses, tant des Prelats & autres personnes du Clergé, que des Papes. Et de faict le volume des ordonnances Royaux, le liure du Stile de Parlement, & les anciens registres de la Cour, sont pleins desdites loix. Toutes les fois que les Estats generaux de la France ont esté assemblez, le Clergé come les deux autres Estats, a baillé vn caier de remonstrances, sur lequel les Roys ont faict des ordonnances pour la police & discipline Ecclesiastique. Saint Loys, oultre sa pragmatique, sit vne loy, par laquelle il ordonna que tous Eucfques, patrons & autres collateurs, ne seroient empeschez par le Pape, en la plei-

Stil. de Parl.par. 3. tilt. 3. art. 1. ne louissance de leurs droicts, & qu'a stil.part. chacun sa iunisdiction seroit gardee: & sit 3. tilt. 3. encores vne autre loy contre les Simo-art. 39. niaques Philippes le Bel par sa Philippi- stil. p. 3-ne, dessendit l'exaction de nouvelles dis- tit. 3. art. mes. Charles cinquiesme, comme nous auons cy deuant remarque, fit composer le songe du Verger contre l'ambition des Papes, & deffendit aux Euesques & à leurs Officiaux, d'excommunier les villes & comunautez de son Royaume. Char-stil.part. les sixiesine en l'an 1365, chassa les col-art.1. lecteurs des Papes, deffendit les benefices estre conferez aux estrangers, & fit faisir les benefices possedez par les Cardinaux, & autres demeurans hors le Royaume. Il fit bien plus:car il fosta, & pareillement son Royaume de l'obeissance du Pape. Le Pape Martin cinquiesme, ayant esté esseu au Concile de Constance, apres la depositio de trois Papes, voulut remettre en vlage les reservations & autres impositions sur les Eglises de Frace: pour à quoy obuier, à la postulation des trois Estats tenuz à Paris, les anciens Edits contre les viurpations des Papes

furent renouuellez, & par arrest du Parlement donné en l'an 1418, fut dit qu'ils seroient signifiez audit Martin cinquiesme, auant qu'on luy fit l'obe dience, que les Roys ont accoustumé enuoier faire aux nouucaux Papes, lequel Pape Martin à ceste occasion, aiant interdit la ville de Lyon par autre arrest de l'an 1422. fut l'interdit declaré nul & abusif. Charles septiesme l'an 1437, dessendit à tous les Prelats du Royaume d'aller à Ferrare, où ils estoient citez par Eugene quatriesme, fuccesseur de Mârtin cinquiesme. En l'annee ensuivant il ordonna la pragmatique sanction à Bourges, contre les annates, refernations & inventions des Papes, il deffendit receuoir, publicr ny executer aucunes bulles de citations, preuétions ou censures de Rôme, sur peine de crime de leze Maiesté. Loys vnziesme l'an 1464. deffendit d'ennoyer ou porter argent à Rome, ny en apporter aucunes bulles : lesquels Edits il renouuela l'an 1478. comme long temps auparauant auoit faict Philippes le Bel: & mit des gardes aux passages. Le Roy Loys 12: aiant

aiant esté chassé d'Italie, par les menees, factios & armes ouvertes de Iules deuxiesme, il le sit suspendre de son Papat, par le Concile tenu à Lyon, en haine dequoy ledit Iules l'excommunia, & tous les François, & dona son Royaume en proie, & celuy de Navarre au premier conquerant, & oultre decerna bulles de remissió planiere & indulgences, à ceux qui tueroient yn François.

Parce que dessus donc, il me semble auoir assez clairement prouué & monstrė, que noz Roys ont droict, non seulement de faire quand il leur plaist, assembler les Euesques, Prelats, & autres Ecclesiastiques de ce Royaume, tant pour auiser & pouruoir à la discipline Ecclesiastique, que pour remedier aux desordres qui y pourroient aduenir, par le moyen des entreprinses & vsurpations des Papes, mais aussi d'y pouruoir eux mesmes, & d'y faire pouruoir par leurs Parlemens, & principalement par celuy de Paris, maintenant transferé à Tours, lequel outre l'exercice ordinaire de la iustice, auquel il est assiduellement occu-

pé, ayant esté estably par nosdits Roys, pour maintenir & conseruer les droicts de leur Coronne, il sy est tousiours si virilement & vertueusement emploié, qu'il a toutes les fois que les occasions sy sont presentees, repoussé les violences & entreprinses des Papes, sans craindre leurs vaines & iniustes excommunications, desquelles ils se sont tousiours tres-bien fçeu garentir, & en ont garenty nosdits Roys & leurs subiets, tant par le moyen de l'appel, come d'abus, qu'vn des grands personnages de ce Royaume appelloit le palladium de la France, que par autres moyens & remedes iustes & legitimes.

Or ie ne doute point qu'ayant esté cotraint en ce discours, pour la iuste dessence de nostre Roy, & de nous, dire beaucoup de choses, qui ne seront aucunemet agreables à ceux qui sont plus affectionnez aux Papes & à leur grandeur & puissance extraordinaire, qu'au bien & à la conseruation de cest Estat & de nostre Roy, ie ne sois par eux blasmé & accusé, d'auoir porté trop peu d'honneur & de respect au sainct siege Apostolic, & d'a-

u oir à l'exemple de Cham, fils de Noé, descouuert les parties honteuses de noz peres communs. Mais à cela ie leur respondray, que ie ne manqueray iamais de leur porter tout l'honneur, respect & obeissance que ie leur doy, claue non errante, les recognoissant pour directeurs, surueillans & superintendans de l'Eglise Catholique, & proteste que ce que i'ay dit, n'a point esté pour descouurir leurs imperfections: car si elles eussent esté ca- ca. sicut chees, i'eusse encore aydé de tout mon pouvoir à les cacher dauantage. Et neatmoins i'ay apprins dans noz constitutios canoniques, Que tout ainsi que c'est chose louable & discrette, de porter honneur & reuerence à ses superieurs, ausi est il de la iustice & de la crainte de Dieu, ne disimuler aucunement ce qu'on voit en eux subiet à correction, de peur que tout le corps ne se consume de maladie, si on neglige la langueur qui est en la teste. Et que nous ne deuons nous rendre plus subiets que de raison à noz superieurs, de peur que nous assubiettissans trop à eux, nous ne soyons contraints de reuerer leurs vices. Gerbert en l'Epistre qui a esté

laudabimonendi 2.qu.7.

cy dessus alleguee, dit que si le Pape peche souvent & ne s'amende point, qu'il faut le tenir comme vn Ethnique & publicain: & Balde sur le chap. olim de rescriptis, dit que contre le Pape abusant, il faut premierement vser de paroles, secondement d'herbes, tiercement de

pierres & de force.

Lors donc que Gregoire quatorziesme voudra recognoistre & amender sa faute, se departant des ligues, confederations & affociations faites auec le Roy d'Espagne, les subiets rebelles, & autres ennemis de cest Estat, & reuoquant les armees qu'il a enuoiees en France, pour la ruine de ce Royaume, de nostre Roy,& de ses bons subiets, lors qu'il se rendra nostre pere commun, & nous daignera recognoistre pour ses enfans, non seulement moy, mais comme ie me puis promettre, tous les bons, vrais Catholiques & fideles François, luy rendrons tout l'honneur, reuerence, subiection & obeissance que nous luy deurons.

Fautes suruenues en l'impression.

Page 9. ligne 18. lisez Vox Iacob, manus autem Esaü, pa. 30. li. 10. pour voir. pa. 41. li. 1. elles s'estoient li. 12. ceste notorieté pa. 45. li. 6. Nouatiens. pa. 60. li. 19. & 22. & pa. 61. li. 4. & 10. au lieu d'Amurat lisez Baiazeth. pa. 61. li. 22. Gregoire XIIII. pa. 72. li. 18. iniques. pa. 79. li. 1. deserence. pa. 81. li. 12. les loix.



